



NALE  
VITT. EMANUELE  
A  
A



8.33. A. 24

15  
14







LAURENTIVS  
**BEYERLINCK**  
ARCHIPRESBYTER  
Antuerpiensis  
**PROFECTIONIS**  
MARCI ANTONII  
DE DOMINIS

quondam Archiepiscopi Spalatensis.

CONSILIVM EXAMINAT.

*Biblioth. S. Pantat. Scholae S. Piarum*



COLONIAE AGRIPPINAE  
Apud IOANNEM KINCKIVM  
ANNO M. DC. XVII.



# LAURENTII BEYERLINCK

*Archipresbyteri Antuerpiensis*

## EXAMEN PROFECTIONIS

M. ANTONII DE DOMINIS  
*quondam Archiepisc. Spalatensis.*

**P**RODIIT his diebus ex Typographeio Hagienſi libellus, cuius frons ad omnem splendorem composita, Profectionis *Marci Antonij de Dominis*, Archiepiscopi Spalatensis, consilium proponit, & exponit. Hic ut in manus meas venit, tamquam ad res novas concurrere animus, & inaudita percontari, sibi quæ imprimere ignotum nobis Antistitem, Christianæ fidei deliquium, quod inaudiuimus nuper, apud remotissimas gentes veritatis propagandæ zelo restaurantem. Accessi, ut ad veritatem soleo, stabili pede: neque adspexisse satis erat, nisi & inspicerem penitus, & lustrarem non adyta solum, sed quæ abdita insuper, summum fucumque sermonis, &

*Ignem suppositum cineri doloso.*

Stupedo. Ecquid, inquit, Profectio hæc est, an Defectio? quis litterio hæc confundat, aut

A 2

æquet

æquet? Hæreo: &, en de prædamnatitiis olim suscitari hæresin, tanquam Cerberum aliquem ab altissimis inferis, & excussa à veteri auenâ falsitatis semina rursus Ecclesiæ Catholicæ agro è triniis inspargi, inferi, superseminari subdolâ verborum viacitate deprehendo. Video in ipso accessu, Episcopum, non qualem Timotheo præscripsit Gentium Doctor, sed reprehensibilem, domui suæ malè præpositum, arundine vento agitata mobiliorem: pastorem & idolum dereliquentem gregem suum: renatum à dubia sanibuco Iudam, vt Dominum suum perfidorum manibus tradat, Apostolicorum virorum collegio sponte se abdicantem, & ex felici Christianæ disciplinæ gremio ad pestilentia cathedram,

*Et penitus toto diuisos orbe Britannos,*  
 profugientem: atque hinc velut mediis in undistranquillum, Apostolicę Sedis primum, ipsamque Ecclesiam supra petram ædificatam, delirantis cerebri cauillationibus iam olim protrititis profigatisque maledicè proscindentem. An ergo post tot sæcula rursus egressa à senibus iniquitate prostituetur Susannæ innocentia? & committemus, vt sexaginta propè annorum verendus aliquando Antistes, personata abdicatæ functionis maiestate, in beneficam Matrem iniurius, eâ laceret, rodât, exedat? collectaq; adulteratarum Scripturarum, Veterumq; compendia fronte meretricia obtrudat iis, qui Malchi instar dextera aure abscissa, sinistram ad omnē falsitatis sonitum aperiunt?

Igitur

Igitur non abs re futurum existimaui, si Presbyter Episcopo, Archipresbyter Archiepiscopo, quia reprehensibilis est, in facie resisterem: & è castris Philisthinorum viuentis Dei agminibus exprobrantem Dalmaticum Goliath, omni dolo plenum, iuuenis atque inermis sola veritatis fundâ, quam angularis Ecclesiæ lapis oneret, primus adorirer; eiusque consiliû à patre mēdacij, nequitix spiritu, sub vitæ occasum (quo iuxta Clementis Alexandrini monitum, salutis initium susciplendum fuerat) suggillatû, tam improbæ defectionis, à plerisque qui genium ingeniumq; viri intus&in cute olim nouerant, prænuntiata, ad examen velut nouam incudem reuocarem.

Multa sanè iustę indignationis dolor animo proponebat, quæ opportunè in medium adduci poterant, imò debebant: verûm ab iis omnibus mentem & manum temperaui, calamumque ad eruendas infamis fugæ causas in Dalmatiam properantem retardauî, ne potiùs obtrectationis iniuriosę reus, quàm zelosus veritatis assertor fierem. Quippe hæreticis ceu proprium adscribit in Epistolis Augustinus, *hominum crimina colligendo, abscessionis suæ causam defendere: cumque ipsam diuinâ Scripturæ veritatem, qua vbique diffusa Christi Ecclesia commendatur, criminari & obscurare nequeant, homines per quos predicatur, in odium adducere, & de iis quidquid in mentem venerit, fingere.* Quibus perquam simillimus Mar-

Epist. 137.

*cus Antonius de Dominis*, non alio colore hanc apostasiæ infamiam depingit, quàm qui ex resumpto veterum hæressarcharum vomitu coaluit. Vnde & Romani Pontificis maiestatem, ceu fictam & fastuosam; eiusque regimen, vt turbidum, violentum, noxium; iudicium, tamquam inutile, erroneum, mendax traducit: & *dilatât sicut infernus os suum*, dum inflatis arrogantiaë buccis, quasi hætenus non satis augustum perfidiaë & votifragio trophæum erexerit, compilatas suffocatorum prioribus sæculis errorum lacinias, quibus & suos auersis Doctorum Ecclesiæ vestigijs stabiliat firmetque, velut nouas Acheronticæ turbæ aquilas, decem se libris propediem erecturum promittit. At

*Quid dignum tanto feret hic promissor hiatus?*

*Parturient montes, nascetur ridiculus mus.*

Non erit nouo Hercule opus, qui monstra illa feriat toties prostrata: poterit quiuis tandem è grege fidei scuto munitus, detegere comparata ad fraudem patrocinia Scripturarum & rationum, & despumato, stomacho digerere coctam toties & recoctam, longoque pædore obsitam cramben, quam inconditus hic hospes postliminiò apponet, ex turbidis Lemanici etiam lacus gurgitibus, quibus incautus immergitur, confarcinatam.

Igitur studio à me prætermittentur, quæ iam pridem de hoc sene fama vulgauit: neque enim curiosus indagator existam, quis de eo aut sermo, aut sensus. Satis fuerit propria confes-



confessione reum constitui, quando & per Nuntium Apostolicum Venetijs commorantem non semel monitum correptumque se, suppressâ tamen vllius rei culpâ, prædicat, tam sciri & æstimari auidius, quàm qui Ephesino delubro faces olim subiecerat. atque adeò illi non satis visum

*Quid didicisse, nisi hoc fermentum, & quæ simul intus*

*Innata est, rupto iecore, exierit caprificus.*

Quasi pro nihilo ducatur, si à superiore Legato Archiepiscopus crediti muneris admonetur, & ob repetitam sæpiùs culpam iterùm atque iterùm corripitur: cùm aduersus Presbyterum Apostolici præcepti tenax Ecclesia accusationem non temerè recipiat, atque sacrorum Canonum decreto, *Præsul non damnetur nisi septuaginta duobus testibus: eò quod tales in Ecclesiâ insitui debeant, quorum sanctitati plus credatur, quàm multis testibus.* Dissimulauerit quidem, vt mollius cum Antistite, eoque Primatè, ageretur, Illustrissimus Nuntius, vincula compedesque & meritos carceres non adhibuerit, peccati scelerumve emendationem longâ bonitate exspectans; quod quæso innocentie suæ præsidium infert ille præter turpem fugam, quam sibi cum mortalium omnium nequissimis communem voluit, parem cum iisdem gloriam consecuturus? Stabilis est innocentia, non metuit vincula, non horret lictores, Iudicis vultum sustinet, ridet famæ mendacia: omnemque calumniæ tristitiam mens

*1. Tim. 5,*

*Cap. Præsul.*

*Lactant.  
lib. 6 di-  
uin. Insti-  
tut.*

*Contra  
epist. fun-  
dam. c. 6.*

*Serm. de  
zelo & li-  
uore.*

*Epist. 56*

recti conscia discutit, *quam qui Deo obtulerit, satis pie, religioseq; litauit.* Portentosa illa integritas, quam fuga adornat, quam nocentes tuentur.

Fontem omnis hæresis (idem de apostasia cense, quæ illius comes) superbiam dixit B. Augustinus: qua, teste Cypriano, *vinculum pacis rumpitur, charitas fraterna violatur, adulteratur veritas, scinditur vnitas, ad hæreses & schismata prosilitur.* Ab hac scaturigine noui scelerum, ut puta auaritiæ, ambitionis, libidinis riui erumpunt; ad quos ceu infames quosdam scopulos fides alliditur, dum eos auidè consecretantur, quibus vna cura, ne dicam voluptas, inconsutilem Christi tunicam scindere. Hæresim nunquam primum peccatum, sed grauioris peccati poenā docent veterum Annales. Nec est quod ad veteres prouocemus, in foribus sunt qui id clament, quorum ruinam vitæ antea actæ corruptela expressit prius quā dedit, qui que etiam mox fuga elapsi, ne de libidine sua cogantur erubescere, publicam ac receptam Ecclesiæ doctrinam, qua ceu speculo redarguuntur innata in eis vitiorum sarmenta, pro arbitratu suo reiiciunt; & ut verba D. AVGVSTINI usurpem, *auctoritatem stabilissimam fundatissimæ Ecclesiæ quasi rationis nomine & pollicitationis superare omni molimine contendunt.* hinc adamantina aliàs votorum vincula quouis vitro fragiliora, imò impia, crudelia, satanica. Falsa omnia quæ Religio Christiana de peccati con-

cōscētiā & horrore proponit. Potestas deniq;  
in Ecclesia docendi, interpretandi, monendi,  
non alia, quàm quæ in singulis sedet, interio-  
ris spiritus, qui plerumque spiritus est forni-  
cationis, reuelatione stabilita. *Animalis homo*

*non percipit ea quæ sunt Spiritus Dei: cuius vni-*

*I. Cor. 2.*

tas est in vinculo pacis, quod carnales illi  
violant, ab omni charitate, adeoque virtute,  
cuius illa est radix, alieni. Sic enim post B.

Cyprianum in lib. De vnitae Ecclesiæ, gra-  
uiter & verè scripsit iteratò repetendus Au-

gustinus, *Ex his hominibus hereticos (aposta-*

*Lib. De  
vera Reli.  
cap. 8.*

*tas, schismaticos) fieri, qui si essent in Ecclesia,*

*nihilominus perirent. Si namque fuissent ex*

*nobis, vt dilectus Christi discipulus ait, man-*

*I. Ioan. 2.*

*fissent utiq; nobiscum.* Neque enim qui supra  
petram & Christi amorem, sed qui super  
arenam & caducarum rerum voluptatem

domum suam ædificauit, irruente procella  
damnum sustinuit, *factaq; est ruina illius ma-*

*Luc. 6.*

*gna.* Solida grana nullus doctrinæ turbo at-  
tollit, leues paleæ sunt quæ circumaguntur.

Virtutum Regina est Constantia: cuius in re-  
bus humanis vnum opus est, non moueri. Ab

hac profugus M. Antonius de Dominis, suo-  
rum & maximè domesticorum curam exuit,

& apud illos perfidiæ suæ latebras quæsiuit,  
quibus non ad contemptum modò, sed ne-

cem insuper & barbaros cruciatus satis est,  
Deo esse consecratum. Cumque vel maximè

linguam suam acuat, vt Romanæ Ecclesiæ,  
quam Ecclesiarum omniumque fidelium ma-  
trem non semel professus est, Monarchiam

# 10 EXAMEN PROFECTIONIS

proscindat proteratque, ad illos indelebili fugæ notâ primùm dilapsus est, quorum bona pars eandem non ita pridem in optimatibus plerisque adeò firmâ impietatis pervicaciâ constituerunt, ut si quis negat aut abnuit, Ecclesiæ communionem arcendus, classicâ Antichristiani conciliabuli definitione pronuntietur. Ex quo improbitatis semine, quâta iniuriarum messis usque in hunc diem! Verendum sanè, ne & profugam cervicem vacillantis Episcopi demetat aliquando Monarchica quædâ securis, si diuersum à vulgo sentiat; vel ut minùs, dum fugæ præsidio novos honores, stipendiaque lautiora inuenire satagit, chamæleontem ementito palpationis fucò, & assumptis novorum dogmatum coloribus exprimat; quoque nullum ambiguitati locum relinquat, portentoso aliquo iuramento per fas nefasque vltro se obstringat. Sunt etenim enormium criminum fossæ sibi inuicem subordinatæ, ut ex vnâ in aliam successiuo lapsu descendatur: Deoque proprium est, perditam aliquamdiu vitam, in his præsertim, quorum lucem coram hominibus lucere oportuerat, veritatis & fidei lucernâ destituere, perditosque homines *in desideria cordis eorum, passionibus ignominie, & reprobum sensum* tradere.

Rom. I.

Venio nunc ad fucum scopumque fugæ. & hic quidem mihi collimandus, ille detegendus. Scopum proponit bonæ ædificationis fructum in piis multorum animis, quem

M. ANTONII DE DOMINIS, II

quem ex profectiois suæ consilio accepturi sunt. *Non potest arbor mala bonos fructus facere.* Bona ædificatio idoneam membrorum compagem, qualis illa ex quâ corpus Ecclesiæ compactum est, postulat; inutilia sunt sarmenta quæ à radice præscinduntur, *ad circumuentionem erroris*, vt in spiritali ædificio vigorem præstent aut firmitatem. *Veritatem facientes in charitate*, monita sunt Doctoris Gentium, *crescamus in illo per omnia qui est caput Christus, ex quo totum corpus* (Ecclesiæ) *compactum, &c. augmentum corporis facit in adificationem sui in charitate.* En coagulum Christiani ædificij, & velut animam, charitatem. hanc non habet, qui Ecclesiæ vnitatem non amat. Non vides, si pes luxetur, & à iuncturâ abeat, totum corpus infirmari? ita nulla firmitas, quamuis promissa, piorum animis speranda vel expectanda, si quis gradu aut munere relicto aliud inuadat, & ab illâ se segregat societate, quæ *per sedes Apostolorum, & successiones Episcoporum, certâ per orbem propagatione diffunditur.* Tenent pij omnes hæreditatem Christi, hanc venerantur, huic seruiunt: de hac omnes, qui Ecclesiam Romanam profitemur vnicam salutis anchoram, securi sumus; *cuius vnitati qui non communicat*, doctissimi Augustini iudicio, *foras exijt.* Neque quòd decennali deliberatione instructa hæc fuga, radicatam in Christianâ fide mentem quatiet. Nam vt in corpore tabes alitur, & per membra serpit donec vniuersum occupet: sic

Matth. 7.

Ephes. 4.

non

non nisi per vitiorum semitas deuenitur ad omnium malorum compendium, & velut alteram Pandoram, hæresim seu apostasiam. nemo enim derepentè nequissimus euadit, sed per gradus; quamuis animus semel praua voluntate vitiatus ægrè coerceri queat,

*Si modò cultura patientem denegat aurem.*

Iam quòd in studiis sacris iuxta Romanæ Sedis placita fuerit à puero in Societate IESU enutritus, & non in vna cathedra constitutus professor, tandemque ad Episcopatum, Patribus Societatis id ægrè ferentibus, euectus, haud quidquam momenti ad persuadendum habet, quamuis Scripturarum flosculis tanti lapsus ruinam velare contendat, & erroris simulacrum erigat, vt illius adoratione rudiores illaqueet. Norunt quippe omnes queis vel mica falis in pectore, in eodem reti bonos & malos pisces concludis vnã aream granum continere & paleas: munda pariter atque immunda animalia recepisse operosam illam Arcam: adeoque nihil omni ex parte beatum quoad hic viuimus, vt nulla sit tam exigua societas, quam non aliquis Danus lancinet aut commoueat. Nonne de Apostolatu præuaricatus Iudas, *suspensus crepuit medius?* & qui seruiunt Deo non sunt stabiles, & in Angelis suis reperit prauitatem. Duxerat eius vultum sub suo pollice Societas, cui se à puero supposuerat, mentemque varia disciplinarum suppellectili instru-

*Act. 1.  
Iob 4.*

instruxerat, quando & erumpentes ambitione se vanitatis igniculos, periti ingeniorum aestimatores velut indices subsecutæ turpitudinis, taciti secum considerabant. vnde & merito verebatur, quod non inopinatò euenit, vt ad altiora honorum culmina euectus ille insolentis fortunæ & blandientis luxuriæ frænos cohibere negligeret, ob eamque causam ei satius fore perspiceret, si in humili Societate abiectus coram hominibus detineretur, quàm vt solutis obedientiæ clathris præesset, qui subesse nondum perfectè didicerat.

Ad eruditionem quod attinet, & in rebus gerendis experientiam, si ea talis, qualem de semet ipse prædicat, insonare debuisset assidue auribus illud Apostolicum: *Noli altum sapere, sed time.* & rursum: *Voluntariè peccantibus post acceptam notitiam veritatis, iam non relinquitur pro peccatis hostia: terribilis autem quadam expectatio iudicij, & ignis amulatio, quæ consumptura est aduersarios.* Nihil æquè familiare his qui Ecclesiæ gremio sua sponte excidunt, ac præsumptio & tumor mentis. hæc apostatarum omnium notissima est nota, quam nouitiis hic foetus passim etiam sibi vendicat, dum intrare contendit, vbi alios cecidisse videt: nec se eripit procellis, quæ tam multos obruerunt. Sunt enim vastissima diuinorum eloquiorum æquora, quibus se nullo duce aut præpete immergunt omnes, imò irruunt, & *sine præceptore*, quod in Honorato grauiter reprehendit S. Augustinus, *audent*

Rom. 12.

Heb. 10.

De utilit.  
credendi  
cap. 7.  
Tract. 18.  
in Ionn.

dent ferre sententiam. Cum tamen, eodem  
teste, non aliunde emerferunt dogmata per-  
uersitatis illaqueantia animas, nisi dum Scri-  
ptura bonæ intelliguntur non bene; & quod in  
eis non bene intelligitur, etiam temerè & au-  
dacter asseritur. Huius autem temeritatis &  
audaciæ architectus est proprius spiritus,  
quæ quisq; sibi affingit: cuius igniculos sen-  
sisse se fatetur, etiam priusquam in Theolo-  
giæ studio adolesceret; (quod tamen num-  
quam in eo euenisse; nuperum scriptum  
longè à genuino Theologiæ sensu alienum  
loquitur) fugax Archiepiscopus. Debuëras;  
& etiamnum debes, da veniam si te compello,  
*captiuare intellectum in obsequium Christi.*  
Nempe totius Religionis fundamentum est  
obedientia, *veraq; Religio*, vt eleganter  
Tertullianus, *dubitabilis non est, imò nec di-*  
*sputabilis.* Sola hæresis obedientiam tollit, &  
*quidquid animo errante cum superbiâ vel tæ-*  
*more cogitando imaginata fuerit, religionis*  
*nomine obseruat.* Quod de suo tempore S. Hi-  
larius scripsit, idem nobis hoc ipso sentire li-  
ceat; tot scilicet *nunc fides existere, quot vo-*  
*luntates: tot nobis doctrinas esse, quot mores.*  
quasi extra Ecclesiam illius director spiritus  
inueniatur, cum qui se ipsos segregant, *Spiri-*  
*tum Dei non habeant.* vnde Augustinus: *Nihil*  
*sic debet formidare Christianus, quàm separari*  
*à corpore Christi. Quia qui separatur à corpo-*  
*re Christi, non est membrum eius: si non est mem-*  
*brum eius, non vegetatur Spiritu eius. Quisquis*  
*autem, inquit Apostolus, Spiritum Christi non*  
*habet, hic non est eius.*

In Præscript.

Lib. ad  
Constant.  
Imp.

In Euan-  
gel. Ionn.  
Tract. 27.

Rom. 8.

Certe



Certè vel vnicum hoc eruditissimi eiusdem Doctoris pronuntiatum, quod paulò antè adduximus, in tuâ defectione nos omnes solatur; *Ex his hominibus hæreticos (& apostatas) fieri, qui etiamsi essent in Ecclesiâ, nihilominus perirent.* Non ergo quòd inter bonos benè enutritus, ————— fronte politâ

Lib. de  
vera Re-  
lig. cap. 8.

*Astutam vapidò seruas sub pectore  
vulpem,*

quæ Christianos pullos sollicitæ Matris alis excutiat: non quòd è Rhetorum scholis verbosus prodieris Sophista: non quòd Mathematicas disciplinas cum applausu professus à salutis tramite deuies; & vt tecum deuiènt tuæ farinæ plerique, ad labores: nec quòd Episcopus & Pastor, cuius erat, exemplo vnici Pastoris, animam pro ouibus ponere, & anathema esse pro fratribus cum Doctore Gentium, creditum tibi gregem clanculùm malè tibi conscius derelinquis, & senectutis tuæ verendam canitiem plumèa leuitate còspurcas; quidquam mutationis in Catholicorum pectoribus intulit, aut quemquam à constantiâ dimouit: quin potius ruina tua nos docet, neminem sic de perfectione suâ esse securum, quem non deceat esse de casu sollicituin. *Qui se existimat stare, videat ne cadat,* monet B. Apostolus. *Assumèdi sunt magnorū virorū lapsus, vt se nequam rectè suis factis iactare quis audeat,* inquit inter alia Christianæ doctrinæ præcepta Augustinus, *cum videat tantorum virorum & cauendas tempestates, & flenda naufragia.*  
Ad hoc

1. Cor. 10.

## 16 EXAMEN PROFECTIONIS

*Ad hoc peccata illorum hominum* (agit autem de Saule, Salomone, Origene, Tertulliano, &c. qui velut duces tui naufragij, vt tandem securitatis oram portumque in eas, viam aperiunt) *sunt scripta. vt Apostolica illa sententia vbique tremenda sit, qua ait: Quapropter qui videtur stare, videat ne cadat.* Euolue monumenta antiquitatis, & reperies Arrianam hæresim ita olim vniuersum orbem occupasse, vt scribat B. Hieronymus, *totum orbem ingemuisse & se Arrianum miratum esse.* Paucissimi toto Oriente Episcopi qui Catholicam fidem assererent, & ij quidem sedibus pulsi, proscripti, profligati. Quid igitur moueat aut teneat Ecclesiæ filios, si hac etiam ætate à nobis, *in quos fines sæculorum deuenerunt*, Episcopus abeat? & AEsopici serpentis instar assurgat in sinum qui eum excepit, enutriuit, fouit? Abierit sanè ille in consilio impiorum, abiit ante eum vniuersus pænè Oriens sæculis prioribus: & hoc nostro etiam, manifesta adhuc muliebris rotæ vestigia cernimus, quæ Gebhardum Truchsesium Colonientium Metropolitam augustissimo Ecclesiæ candelabro præcipitem egit. qua tamen tempestate nullus fluctuauit, quem Christianæ petraë immobilis firmitas solidauerat. Sciunt Catholici, in Ecclesia Christi sessurum Antichristum: non ignorant surrecturos pseudo-prophetas & Pseudochristos, *qui seducent multos, & in errorem ducent. si fieri potest, etiam electos.* In nouissimis diebus discedent qui-

*dain*

Dial. ad-  
uers. Lu-  
ciferian.

*dam à fide, inquit D. Paulus, intendentes spiri- 1. Tim. 4.*  
*ritibus erroris, & doctrinis demoniorum, in hy-*  
*pocrisi loquentes mendacium, & cauteriatam,*  
 nempe ob infamis vitæ dedecora, & puer-  
 sæ voluntatis mutabilitatem, *habentes con-*  
*scientiam.* Nusquam autem noui Prophetæ,  
 Doctores, Reformatores prædicuntur, sed  
 pseudoprophetæ, illusores, magistri erroris;  
*homines seipsos amantes, cupidi, elati, superbi, 2. Tim. 1.*  
*blasphemi, parentibus* (quo nomine Superio-  
 res legitimos accipimus) *non obediētes, in-*  
*grati scelesti, sine affectione, &c.* Itaq; tantum  
 abest vt emortuam, vel latentem veritatem;  
 quod facturum te polliceris; ad lucem  
 proferas; schismatumque extinguendorum;  
 & vnitatis Ecclesiasticæ resarciendæ iter  
 communias; vt potius eam per verborum  
 pugnas deprauas & obnubiles, atque Hero-  
 dianâ malitiâ nascentem Religionem nec-  
 dum satis adultis pectoribus euellas; &  
 proteras, omnemque ad fidei vnitatem adi-  
 tum præcludas. Verum quemadmodum il-  
 lustrius ab igne aurum exit; ita ab erro-  
 ribus veritas: cui eam vim inesse sentit Hi-  
 larius, vt *cum per se intelligi non possit, per ea*  
*ipsa tamen quæ ei aduersantur eluceat, vt na-*  
*turâ suâ immobilis manens, firmitatē naturæ*  
*sua quotidie dum attentatur, acquirat.* Præ-  
 clare & verè Cyprianus, quem vtinam hîc  
 etiâ purgatâ aure audires! & vt Catholici  
 omnes audiant, hortor: Non nos moueat aut  
*turbei, inquit, multorum nimia, & abrupta*  
*perfidia; sed potius fidem nostram prænun-*

*Lib. 7. de*  
*Trinit.*

*De vni-  
 te Eccles.*



tiatæ rei veritas corroboret: vt quoniam quidam tales esse cœperunt, quia hæc antè prædicta sunt; ita ceteri fratres ab eiusmodi caueant, quia & hæc antè prædicta sunt, instruente Domino & dicente: Vos autem cauete, ecce prædixi vobis omnia.

Tandem à scopo ad fucum & phaleras, quibus mutationem suam adornat M. Antonius, dirigendus est calamus. & quoniam ad veterum Ecclesiæ Doctorum, omissis turbidis riuulis, limpidissimos fontes me ducit, quos tardius & in hoc ætatis delirio, vix antè libatos, degustasse se, (cuius haud alium testem inquirimus, præter ipsam scriptionem quam expugnamus) affirmat, non propriè mea, leuiæque proponam, sed quæ ab eisdem ipsis nonnumquam, dum ab occupationibus ferior, hausi: quorum luce caligo omnis, & errorum nubes deterfa veritati victas manus dabit, & inclamabit illud Esdræ: *Magna est veritas, & præualet.* Solent qui amara propinant, melle poculum illinire: & vt pisces fallat, hamo escam piscator occultat: ad eum modum iste, vt imperitos illaqueet, adfert quæ lectorem demulceant. quippe curiosum genus hominum auidè se extendit ad aliena & noua. vnde non inutiliter libros omnes qui doctrinam receptæ alias ab Ecclesiæ doctrinæ aduersantem tradunt, tanto rigore diligentiaque Catholicorum manibus excutiendos Summi Pontifices censuerunt, ne dum incauti latentia venena non vident

dēt, falsitatem imbibant, quam mox propositā vitæ licentiā numquam euomant. Et hæc vna res tot Conciliorum decretis stabilita, tot Pontificum auctoritate fulta, huic ad fugam ab Ecclesia capeſſendam, portam aperuit, suspicionem mouit, auxit, quod talium librorum copia sibi etiam post peracta, vt scribit, plenè Theologica studia, & assumptos in iis gradus, post promotionem ad Episcopatum, non permetteretur. Quæ verò est ea temeritas, vt quod à primæuò tempore à beatissimis Patribus constitutum est, vnus homo blasphemare, proijcere, ac sufflare præſumat, dentesque acuerè in receptissima Ecclesiæ decreta? Arrianorum scriptas insanias ne quis legeret, non modò vetuit, sed ignibus insuper tradi iussit Synodus Nicæna, auctore Nicephoro. Cui sententiæ ita promptè subscripsit Magnus Orientis Imperator Constantinus, vt eos qui obſisterent, librosque à Concilio vetitos occultarent, extremo supplicio damnârit. Etiam Marcellinum Ancyranum, quod excitatæ à se heresis compendia in volumen redacta, Vulcano ceu victimam offerre abnueret, capitis condemnatum memorat Socrates. Sunt namque omnes hæreticorum libri, iudicio Gregorij Nazianzeni, *tamquam aspidum oua, aspidas & basiliscos procreare nata.* qui vbi cum indefesso studio fuerint perlecti, nihil præter inanem sonum & sermonis strepitum, inbremque errorum eructant: dumque aures mo-

Lib. 3.

cap. 18.

Lib. 1.

cap. 14.

Orat. 2. de

Fide.



*Philostr.  
in Sophis.*

*Linus  
lib. 10.*

dulatione promissæ libertatis capiunt, pectoris interna plerumque deuinciunt. Hinc Ethnici, naturâ duce, Protagoræ athei libros publico foro exussere; alios Religionem enervantes, Romani & Lacedæmones; quod per copiam blandientis eloquentiæ sensim irrepere nocentis doctrinæ cœnum intelligerent. Liceat mihi vsurpare hoc loco illud Maronis:

*Qui legitis flores, & humi nascentiæ  
fraga,*

*Frigidus, ô pueri fugite hinc, latet an-  
guis in herba.*

*Hebr. 5.*

& ita facere conuenit omnem illum, qui tamquam paruulus Ecclesiam Matrem agnoscit. Non est cuiusuis è mediis spinis rosam carpere, aut inter adulterina metalla segregare quod purius est; sed eorum, qui, ut Apostolus loquitur, *exercitados habent sensus ad discretionem boni & mali*. Præsumptuosi tumoris soboles est, velle in luto quærere puritatem, & incalceatum per spineta sine læsione incedere, atque desiderare decibus illius (quod ne committamus verat Sapiens) *in quo est panis*, hoc est, doctrinæ,

*Epist. 93.*

*mendacij*, & non decipi. Bene D. Leo: *Nemo hoc impune præsumat, nec inter Catholicos censeatur, quisquis scripturus utitur ab Ecclesiâ Catholicâ damnatis*. Quæ ergo tua vanitas & elatio est, *Marce Antoni*, quod vnde alij firmitatem & prudentiam, inde tu iniquam suspicionem augeas, & infirmitatis tuæ fulcrum accumules? Doces memora-  
bili

bili exemplo, quod non sine animi dolore à te memor posteritas per manus tradet, quā pernicioſa ſint hæreſum ſemina libris inſparſa, vt quæ tam mortifero veneno ſenſim affectum tuum imbuerunt, vt velit nouâ libidine incenſus ea appetiueris, quæ prius ceu monſtra quædam è medio Erebo prognata auerſabaris; vinoque erroris, quod in ijs propinatur, ebrius, ad noua dogmata te conuerteris, atq; ex magiſtro veritatis, tandem euaseris diſcipulus erroris. Vtilius tibi fuerat illorum ſcriptis animum intendere, quorum lectione nitans tua inſtabilitas iuſtitie ac virtutum incrementum accepiſſet. Didiciſſes profecto ex his, qualem oporteat eſſe Episcopum: nempe *irreprehenſibilem*, hoc eſt, quem non modo culpa non inquinat, ſed virtus exornat; *ſobrium*, quia cum Dominici gregis ſpeculator conſtitutus ſit, agnoſcere debet vultum pecoris ſui, ouiumque ſaluti indefeſſâ curâ inuigilare; quod ventri deditus numquam præſtiterit: *ornatum*, quem conueniat (vt nominis huius etymon Cicero exponit) decorum ſeruare in motu, in ceſſu, habitu, & ſermone: *pudicum, Doctorem, modeſtum*; & nonnulla his affinia, de quibus Timotheum ſuum inſtruit Gencium Doctor. Intellexiſſes virium in Episcopo reputare Nazianzenum, non quàm optimum eſſe: tantamque in eo virtutis gloriam requirere Chryſoſtomum, vt inſtar ſolis, ceteros velut ſtellas ſuo fulgore obſcuret. Expreſſiſſes in te

In Apol.

Hom. 10.  
in epiſt.  
ad Tim.



veri Præfulis normam, quam Eugenio Pontifici olim mellifluus Bernardus præscripserat; & considerasses (verba illius adducā) oportere te esse formam iustitiæ, sanctimoniam speculum, pietatis exemplar, assertorem veritatis. Fidei defensorem Christianorum ducem, Pastorem plebium Magistrum insipientium, sallem terræ, orbis lumen, &c. Eduxissent te ceu Abrahæ filium de Vr Chaldaeorum illi ipsi, & meliori fide doctrinam & negotia Christi obire, quæ eminens solum perspexeras, docuissent. Vidisses in eis ceu speculo quodam polito corruptos tuos mores, quorum consideratio magnos plerosque viros mouit, vt defectionis secutæ foetorem præsentirent, & non rarò sub verborum inuolucris impendentem tibi ruinam suggererent. Denique sine offendiculo, & velut ad lucidissimam faciem perspexisses, quod non diuini, sed nequitiae spiritus impulsu vehementiore terram tuam exire iussus, non veritati, sed mendacio; non Deo, sed carni, mundo, satanæ obsecutus, eò nauigium appuleris, vbi certum saluti tuæ naufragium, ni ocius emerferis, expectandum. Verum quemadmodum febricitantes circa ciborum sapes nauseant, & imperiti pictores excellentius prototypon non imitantur, sed in tabula deturpant, falsaque imagine representant: haud dispari ratione Spalatensis Præsul, infecto mentis palato, diuinarum Scripturarum mella degustauit, & ex his Patriarcharum principem Abraham cordis sui tabulam, fallaci



fallaci spiritus priuati penicillo exprimendum proposuit.

Ea apostatarum modestia est, vt de Dei Spiritu, qui extra Ecclesiam sit, glorientur omnes, & nō nisi cum illis se hominibus audenter conferant, *quorum memoria in benedictione est. quique in generationibus gentis sue gloriam adepti sunt, & in diebus suis habitati sunt in laudibus.* Abrahæ filius opera Abrahæ Dei filius commendat: quæ quâ animi promptitudine, ac melioris cōuersationis exemplo aliis imitanda proposuerit personatus hic & rediuuius Abraham, factâ ad inuicem vitæ morumque collatione, facili negotio innotescet. *Abraham multitudinis gentium, apud Ecclesiasticum, & credentium omnium Pater* Apostolico præconio celebratur; cum quod omnibus illustre fidei exemplum proposuerit, tum quod promissam à Deo benedictionem, posteritatis nomine primus acceptauerit. Non perinde nouitius hic Abraham: qui, ne credentium multitudinem in Christo Iesu per Euangelium gigneret, quos prius congregauerat, dispersit: ne ve vltra filios Ecclesiæ, cui pridem erat desponsatus, pareret, malignantium synagogam complexus, quasi ad alexæ iactum, desultoriâ leuitate, mansa prius & remansa rerum sacrarum dogmata ad plausum pompamque composuit: dumque alienis auriculis escas colligit, *dixit, iuxta Regij Psaltis vaticinium, maledictionem, & veniet ei: non* *huit benedictionem, & elongabitur ab eo.* Abra-

Ecclesiasticus. 44.

Ephes. 4.

Psalmus. 106.

## 24 EXAMEN PROFECTIONIS

hæ similis inuentus est nemo, *qui legem Excelsi serualet*. Nec similem huic Antistitem ætas parentum & nostra tulit, qui post tot felicia Religionis incunabula, post tam varias functiones pro domo Dei obitas, post tot promissa Deo teste firmata, Excelsi legem eadem annorum maturitate violaret, dum Ecclesiæ decreta irreuerenter contemnit, in cuius sinu educari conuenit omnes, qui adultam gloriæ hereditatem aucupantur: quam qui docentem despexerit, fidei lucernam se abieciisse demonstrauerit. *Ecclesiæ iudicium*, docet eruditè Thomas VValdensis, *sequi debet Lector Christianus sub pœna perfidiæ, si ad fidem res pertinet; sub pœna contumaciæ, si non pertinet. Abraham in tentatione inuentus est fidelis*. Non ita reformatus noster Abraham. Audiat vas electionis Paulum: *Qui suorum, & maxime domesticorum curam non habet fidē negauit, & est infideli deterior*. Occupauit illum ab hinc decennium apprehensa tentatio, & sollicitatus ab interno spiritu ad schismata, idola, luxum & Venerem, cur cum Abraham fidei scutum non opposuit? cur gladium spiritus non strinxit? cur salutis galeam non induit, & ignea nequissimi tela extinxit? Perceperat iam aliquamdiu ancillam Agar cum suo Ismaele graui conflictu altercantem, carnem scilicet aduersus spiritum assurgentem; cur blandientis lenocinia in ipsas medullas admisit, & velut sal infatuatum se hominibus conculcandum præbuit? Esto, tentauerit

*Lib. 2. Fi-  
dei doct.  
c. 21. & 23.*

*1. Tim. 5.*



tauerit illum præstantioris spiritus impulsu  
 Deus, vt modicum afflictus in variis experi-  
 mētis exultaret dignus Deo, *qui nō patietur*  
*nos tentari supra id quod possumus, sed facit*  
*etiam cum tentatione prouentum;* quò scilicet  
 tentatio adeo non obsit, quin cedat potius  
 in virtutis & gloriæ augmentum, viamque  
 ad illas communiat; *vt possimus sustinere.*  
 Quem autem prouentum & fidem in Spala-  
 tensi Archiepiscopo tentatio fuerit operata,  
 lippis & tonsoribus notum est. Redeo ad A-  
 braham. Hunc *omnium per præputium cre-*  
*dentium patrem* Paulus facit, quod in Genti-  
 libus illustre fidei exemplum, ac sæculorum  
 memoriâ dignum trophæum statuerit: Spa-  
 latensis Abraham, vera inconstantie idea,  
 pernicioso subdolæ defectionis exemplo,  
 mendacis turbæ Babylonicæ pater, fautor,  
 cultorque existit. Ad extremum, Abraham  
 de terra natiuitatis egressus, domo, agnatis,  
 fortunis omnibus relictis, in eam regio-  
 nem secessit, quam qui vt ingrederetur iusse-  
 rat, demonstraret: Dei que iussioni, nullâ in-  
 terpositâ morâ, est obsecutus. In isto longe  
 aliter se res habet. Nulla hic aut lex quæ pri-  
 stinam illi dignitatem excuteret; aut è cœ-  
 lo delata iussio, quæ in aliam regionem mit-  
 teret. Exiit eum Primatus honore nō vanus  
 durioris sententiæ timor: tumor aliò excussit,  
 & prehensa securitas in eum locum transtu-  
 lit, vbi Catholica veritas sub modio hæte-  
 nus delitescens, in Ecclesiæ candelabro nō  
 lucet; & in quo, promissionis Abrahæ factæ

1. Cor. 10.

Rom. 4.

Ecdi. 19.

spem in semet transferens, Primatum insuper aliquem vel solo perfidiæ patrocinio infallibili euentu affulsurum sperat. Quo fine, ut blandiente osculo Dominam prodat, cuiusque sponsam lenonibus mille prostituat, *nequiter se humiliat*, (nihil enim præter summam charitatem pollicitationum minarumque crepidine intextam eructat, eximiam illam quæ Doctorem Gentium Deo commendauit, animi submissionem, & in ministerio quod acceperat sollicitudinem in se transfundens, ) *& interiora eius plena sunt dolo*. Etenim sub amabili veritatis asserendæ pigmento virus propinat, quod eam propriâ mansionē proscribat, dū Romæ nouos aliquot Vulcanos comminiscitur, qui per summam vim innumeros fidei articulos cudant, manifestam falsitatem continentes, qualem esse ait, enimque velut ab igne recens natum, Catholicam Ecclesiam ipsam Romanam Curiam intelligi, atque in eâ solā, imò in solo Papæ totum Christi Spiritum residere. Inueterate senex, *numquid Deus indiget mendacio tuo, ut pro illo loquaris dolos? Non decent stultum verba composita, nec* duorum regnorum, Croatiae & Dalmatiae quondam, mox etiam magnæ Britanniae (ni spe suâ excidat) Primatem, *& Principem, labium mentiens*. Quis hactenus in Ecclesiâ Spiritus, præter eum qui ex proprijs loquitur, hunc articulum ut abs te afferitur, firmâ fide credendum proposuit quando, ubi, per quem fabricatus? effare ni erubescis; plurima illa quæ te præcone ad so-

Isa. 17.

Præz. 17.



ad solam Curiam Romanam per summam vim & iniuriam Ecclesiæ pertrahuntur, quorum nullam à Christo institutionem habuimus, & quibus animæ fidelium miserabiliter decipiuntur. Quis te præter Ecclesiam audiens, eam à Romano Pontifice turbari, scandalizari, opprimi aut sensu, aut scriptis? Quis doctrinam illius, tamquam quæ à recto tramite deuiet ( te oculatissimum Argum excipio ) ita planè perspexit? Quis, nisi impurus, tam insulsi oris, ut Babylonis eam nomine obscuret, quæ instar ciuitatis ordinatissimæ supra montem positæ abscondi non potest, & aduersus quam ne inferorum quidem portas, quorum fortassis tibi nunc demandata est custodia, præualituras Christus prædixit? Quis verò veterum Catholicorum, quos erroris tui duces impiè proponis, Episcopum particularem primò Ecclesiæ Pastori parem facultate, auctoritate, dignitate constituit? nisi quòd tu catellus omnium minimus, (verum namq; de temetipso confiteri veritas ipsa cogit) incondito latratu fuscites infernales hos molossos, multis sæculis olim veritatis antidoto sopitos, qui gregem Dominicum lacerent, & luporū rapacitati deuorandum summā contētionē committant. Et quidem nō ferenda siue impudētia, seu inscitia tua est, quod D. Cyprianum insani erroris tui socium obtrudis & ductorem, quasi illo præcurrente in hanc Charybdim incideris, quòd is se cum Stephano Episcopo Romano gubernādæ Ecclesiæ li-

28 EXAMEN PROFECTIONIS  
suae libram tenere edixerit, & Episcopum Episcoporum non agnouerit. Exclamemus & merito,  
*Spectatum admissi risum teneatis amici?*

Proposuisse utinam B. Cyprianum, normam, regulam, & exemplar ad imitandum! quomodo eum toti Ecclesiae proponere S. Augustinum ex fide affirmas; euitasses exemplo Cypriani, proprii spiritus fallax decretum, & ad petram Ecclesiae paruulos, hoc est, insensatos adfectus tuos, allisisses. Tenuisses illius impulsu libram Ecclesiae cum Romano Pontifice: at non foris. *Quid enim mihi*, inquit Apostolus, *de iis qui foris sunt iudicare?* sed in ipsa Ecclesia, cuius auctoritas est arx fidei; vox vero docentis, regula veritatis.

1. Cor. 5.

Matth. 18.

*quam qui non audierit, sit tibi sicut Ethnicus & publicanus.* Didicisses Cypriani in adstruenda sententia si quam conceperis à communi Ecclesiae sensu, modestiam, & reuerentiam erga Romanum Episcopum; quem Episcopum Episcoporum familiari nomine appellari, ex magistro suo Tertulliano non ignorabat. Vnde impudenter admodum illius auctoritatem ceu quamdam Aegida summi Pontificis regimini Monarchico opponis; & solium tuum, æmulatus Luciferi prauitatem, super astra, hoc est, reliquos Ecclesiae Praelatos exaltare, atque Altissimo Praesuli similis fieri contendis. Caue ne grauis illa Isaiae comminatio etiam te feriat; solet enim delicti paritatem supplicij par atrocitas consequi: *Veruntamen ad infernum detrahèris in profundum lacu. Qui te viderint, ad te inclinabuntur, teque prospicient.*

Isaia. 14



*ent. Nunquid iste est vir qui conturbauit terrā?  
 terram inquam fidelium, Ecclesiam: qui con-  
 cussit regna Dalmatiæ & Croatiæ? qui posuit  
 orbem gregem sibi creditum, desertum sine  
 duce, pastore, magistro?*

Certè quàm temerè in Patrum monimen-  
 ta irruas, vnus hic B. Cypriani locus tam in-  
 feliciter ex Donatistarum suggestione tra-  
 ctatus, tibi quidem saniora consilia capeffen-  
 ti, alijs verò apud quos eruditionem tuam  
 omnigenam velut nouus histrio in theatrum  
 adduxisti, documento esse poterit. Ad B. Au-  
 gustinum longè præclariùs de D. Cypriano  
 sentientem, eiusque verba perpendentem,  
 certiori pede eundum tibi fuerat. Præbui-  
 set ille ad singula B. Præsulis verba singula  
 etiam antidota, & iudicij in rebus fidei li-  
 bertatem, quam Episcopis ab eo concessam  
 gloriaris, plenè didicisses. Ac primum illud  
 quod *de Episcopo Episcoporum* dixit Cypria-  
 nus, ad modestiam illius refert Augustinus,  
 quod tu ad fastum, & singularem præroga-  
 tiuam. Cum enim ille Carthaginensis esset  
 Metropolita, alijs seu suæ seu alterius pro-  
 uinciæ Episcopis præiudicare noluit: ait e-  
 nim ad ea verba Augustinus: *Quid mansue-  
 tius, quid humilius?* Illud verò *de libertate E-  
 piscoporum in iudicando*, ad illas quæstiones  
 doctissimus Pater restringit, *quæ nondum e-  
 liquatissimâ perspectione discussæ sunt.* & ad-  
 dit: Nouerat enim quantam Sacramenti pro-  
 funditatem tunc omnis Ecclesia variâ disputa-  
 tione versabat, liberumq; faciebat quærendi ar-  
 bitrium

*Lib. 3. c. 3.  
 de Bapt.  
 cont. Dona-  
 ristas.*

# 3<sup>a</sup> EXAMEN PROFECTIONIS

*bitrium, vt examinata veritas panderetur.* Eli-  
 quatissimam autem perspectionem, priusquā  
 Episcopis libertas nimium abundādi in sen-  
 su suo indulgetur, intelligit vniuersa Eccle-  
 siæ concordissimam auctoritatem, seu ple-  
 narij Concilij definitionem, cui sine dubio  
 cessurum fuisse Cyprianum, prout omnem  
 Ecclesiæ filium & sobriè sapientem cedere  
 conuenit, palam affirmat. Illud ergo vnum  
 te considerare oportuit, quod etiam Donati-  
 stis idem Augustinus considerandum exhi-  
 buit: *Si auctoritas Cypriani sequenda est, ma-  
 gis eam sequendam in vnitae seruandā, quā  
 in Ecclesiæ consuetudine mutandā.* Iam verò  
 tam ea quæ decem voluminibus adhuc par-  
 turis opinionum pōtenta, quā quæ in pro-  
 fectionis tuæ consilio enixus es, eliquatissi-  
 mā veritatis perspectione, Conciliorumque  
 auctoritate olim compressa, definita, excussa.  
 sic vt asserta per Cyprianum iudicandi liber-  
 tas, nec tibi, pace tuā dixerim, neque inferiori  
 Episcopo valeat patrōcinari, cum eam ad  
 illud tempus B. Augustinus referri doceat, *in  
 quo quæ ab illis (Episcopos puta) tractaban-  
 tur, nondum declarata sine ambiguitate hau-  
 riebantur, sed adhuc clausa magno molimine  
 quærebantur.* Quod sanè de hac nostrā ætate  
 dici nullā ratione poterit, quā; si aliās vni-  
 quam, eliquata, & iudicio Ecclesiæ terminata  
 quæuis Fidei cōtrouersa habemus; in quibus  
 sententiam propriam, vti facit Archiepisco-  
 pus Spalatensis, præcipitare, summæ temeri-  
 tatis & indomitæ insanix est.

Et quo

*Supra  
 lib. 6. c. 7.*



M. ANTONII DE DOMINIS. 31

Et quoniam ad veterum Ecclesiæ Doctorum testimonia calamum euocauit, sequar libens præsentem; non tamen, vt in Cypriano ille facit, obliquo, sed directo tramite. nam veluti in eodem prato bos herbam querit, canis leporem, ciconia lacertam: ita ex ipsdem siue Scripturarum siue Patrum testimonijs firmitur à Catholico lectore veritas, quam in sensu suo nimium abundans apostata, hæreticus, vel schismaticus infirmabit, quassabitque. Cuius quidem rei causam arbitror, quam in seipso iuvene eloquentiæ & Philosophiæ cognitione inflato reprehendit S. Augustinus, præsumptionem & superelatum sensum, qui primi hominis lapsum & humani generis ruinam attulit. Nam illa, inquit, Scripturam intelligens, *erat quæ crescebat cū paruulis. Sed ego indignabar esse paruulus, & fastuturgidus mihi grādis esse videbar.* hinc enim in Scripturis diuinis, quæ paruulorum pedibus lucerna sunt, nihil videbat, neq; intrare ad eas poterat. Deprehendebat namque in ijs *rem non compertam superbis, neq; nudatam pueris, sed incessu humilem, successu excelsam, & velatam mysterijs.* Ipsi etiam sancti Patres verecundè & discretè adeundi quædam enim dogmaticè, non nulla incōtentione & certamine ab ijs scribuntur: quorum ambiguitas si qua emergit, non vnius alicuius, sed Ecclesiæ auctoritate tollitur; quā velut illustri & certo medio veritas ex ipsis fontibus elicitur, & sine quā Fontium nomen ad falsitatis perfugium simulatè rapitur.

Lib. 3.  
Conf. c. 3.

Quod

Quodd verò seriùs ad hos sanctorum Patrũ fontes accesserit, eorumque lectione pro regimine tam suo quàm suorum coeperit in vitæ coronide delectari *M. Antonius*, nemo Catholicorum miratur. quin indignamur potius, quòd contra Apostolicum consilium Deo militans adeò negotijs se implicarit secularibus, vt Ecclesiæ magistros & Pastores;

*Lib. 4. c. 43.*

qui; vt loquitur *Irenæus*, cum *Episcopatus* *successione* acceperunt *charisma* certum *veritatis*, neglexerit. Quò factum; vt sacrorum studiorum intelligentiam, quòd longè aliter

*Lib. 2. c. 9.*

*Basilium* & *Gregorium Nazianzenum* præstitisse memorat *Ruffinus*, non ex maiorum scriptis & auctoritate; sed ex propriâ præsumptione hauserit, eamque nunc sine patre aut teste, ad nouitios aliquot, quos cœu fungos vna ignorantia nox peperit, transmittere festinet. Nobis satis superq; est, vt cum *Nazianzeno* loquar, quòd nemo ex his qui diuino

*Lib. 2. de Theolog.*

numine fuere afflati, ex *Patribus illis* & *magistris nostris*, hanc illius de Ecclesiæ Monarchiâ, & deliquio in rebus fidei; Pontificis primatu, Episcoporum prærogatiuâ, hæreticorum conuenticulis; Regum auctoritate, sententiam hætenus vel pronuntiauit, vel pronuntiatam approbavit. Itaque sequentes, cum

*In epist. ad Syn. Nicen.*

*B. Athanasio*, sanctorum Patrum confessiones, quas loquente in eis Spiritu Sancto protulerunt, & intentioni eorum æquis vestigiis inherentes, profitemur Ecclesiam Romanam eam esse, extra quam neque fides, neque veritas; neque Spiritus Dei, neque Scriptura; neque salus ipsa repe-



sa reperitur: adeoque veram Ecclesiam, vel Protestantium confessione censeretur. Cum enim illi Baptismum hactenus legitime apud Catholicos ministratum fateantur; & consequenter doceant, eum non nisi per legitimos veræ Ecclesiæ ministros legitime conferri; erit Romana Ecclesia ipsorum testimonio vera Ecclesia; eaque, quia plures Christus non habet, unica, Catholica, & Apostolica: neque enim Ecclesia fuerit; quæ his notis non illustratur. Hæc est, eaq; sola, in qua Prophetiæ veteres impletæ, in qua omnium gentium communio, Episcoporum perpetua successio, & indeficiens fidei propagatio conseruatioque existit. huius auctoritate hæreses quæcumque damnatæ: hæc Episcopos omnes totius orbis certissimo successionis ordine confirmat: huius singularis prærogatiua est, non posse errare in fide, ut cuius petra immobilis est ea ipsa, quam nulla persecutionis tempestas, nulla hæresum portenta hactenus labefactarunt. Hanc B. Petro primum, & per Petrum legitimam successionem eandem dignitatem obtinenti, Christus regendam pascendamq; commisit. Ille factus Ecclesiæ petra, dicente Domino; *Tu es Petrus*; eiusque nominis etymon exponens, addit, *& super hanc petram*, id est; te o Petre, *ædificabo Ecclesiam meam*. Aedificatur autem Ecclesia; dum vel collecta pascitur; docetur; regitur; vel docenda & pascenda colligitur. Et quamuis in hoc genere ædificandi, ceteri Apostoli, uti post illorum tem-

C

pora

*Matth. 16.*

pora inferiores Episcopi & Pastores, operarij sunt & sapientes architecti, præcipuus tamen paterfamilias agnoscitur Petrus: ceteri columnæ, Petrus fundamentum est cui illi innituntur.

Quæ omnia luculentissimè ex fontibus Scripturæ & Patrum, ad quos prouocat, degustare potuit Archiepiscopus Spalatensis, si in quo haurirer attulisset. Quod ipsum etiam non aliunde quàm ab ipsis fontibus petendum fuit, è quibus vnus B. Athanasius sub finem libri quem De incarnati Verbi mysterio euulgauit, elegantissimo testimonio docet: *Ad scripturarum indaginem*, quod etiam in lectione SS. Patrum momentum habet, *verumq; intellectũ, opus esse vitæ proba, animo puro, & virtute quæ secundum Christum est.* & subdit: *Nam sine purâ mente, & sanctorũ imitatione, nemo comprehenderit sanctorum verba.* Hoc apparatu ad ipsas fontium scaturigines tibi descendendum erat, & plenissimè inuenisses quod desiderabas. vidisses apertioribus oculis, quod tamen hætenus vidisse te diffiteris, doctrinam illarum Ecclesiarum, si modò hoc nomen conciliabula deprauatorum aliquot merentur, quæ à Romanæ Ecclesiæ Doctoribus ceu putida sarmenta reijciuntur, longè à verâ primitiua Ecclesiæ doctrinâ dissidere, meramque Antichristi synagogam in ijs esse constituendam. Quæ enim prioribus sæculis circa Ecclesiæ corpus hæresis ceruicem extendit, quæ porro diuini Spiritus



Spiritus gladio recisa vñquam, quam noui  
huius æui cacangelici, præfides & patroni  
dissectæ illius sectæ, quam tñetiam tanto  
conatu nouus Britannia accola sectaris, non  
excitarent? Promittebant infantibus, Chri-  
stianis parentibus progenitis, absque omni  
Baptismo æternam salutem Pelagiani; promit-  
tunt & Nouatores. Apud Manichæos salu-  
tare Baptismatis lauacrum inutile habeba-  
tur, arbitrij eneruabatur libertas; ineuitabi-  
lis peccati fomes, qui scintillas & flammam  
efflaret, assidue in homine accendebatur; &  
summa illa æternaque bonitas Deus scele-  
rũ quorũuis pronuntiabatur architectus:  
nonne similia his mōstra diu antè prostrata,  
solumque illisa suscitauit, & in orbem reue-  
xit subdolus animarum venator Calvinus,  
& ante eum pleraque excucullatus Lutherus?  
Et vt omittam alios; quid Donatum tam nu-  
merosam multitudinẽ sub rebellionis per-  
fida signis educere coegit, quid Græcos ante  
annos penè sexcetos, Romanę Ecclesię ius-  
sa contemnere, quàm euenti, ei que pau-  
cissimi abusus, Clero & Romanę Ecclesię  
(sive verè seu falso) adscripti? Eadem res no-  
stri temporis apostatas à Clero & Ecclesiã  
nefario schismate seiunxit, & maiori scele-  
rum catenã irretiuit, dum iudicio illius con-  
tempto, voce damnatã, auctoritatẽ cõculca-  
tã, nouum indies Euangelium cudent, & in  
errorum abyssum ac mille laqueos in-  
cidunt, vitæ libertate inescati. Et te quo-  
que votorum vincula dirumpere, & libe-

Lib. De  
unitate  
Ecclesie.

Citat Au-  
gust. li. 2.  
cont. Cre-  
sconium.  
cap. 34.

riore cōuersationis genere frui, sanctæ Ec-  
clesiæ ruinam, quam à Romanâ Curiâ susti-  
net, ac Romani Papæ fastuosam maiestatem,  
vt vocas, rectamque & tuo splendore illu-  
strandam veritatem, denique Catholicæ &  
doctrinæ & disciplinæ occasum impulisse,  
facesque fugæ subdidisse audes profite-  
ri. Nos verò è conuerso æstimamus ite-  
rùm cum B. Cypriano, *bonos de Ecclesiâ disce-  
dere non posse.* &, vt alio loco idem Doctor,  
*Licet videantur in Ecclesiâ esse zizania*, in-  
quit, *non tamen impediri debet aut fides, aut  
charitas nostra; vt quoniam zizania in Ec-  
clesiâ esse cernimus ipsi de Ecclesiâ recedamus.*  
monet autem consequenter, & vt illius mo-  
nitis aurē accommodes, interiore cordis  
adfectu hortor: *Nobis tantummodò laboran-  
dum est, vt frumentum esse possimus; vt cū  
cœperit frumentum horreis Dominicis condi,  
fructum pro opere nostro & labore capiamus.*  
Noane in magnâ Ecclesiæ domo vasa hæc in  
honorem, & alia in contumeliā agnoscit  
Vas electionis? Non rapit ventus triticum,  
nec arborem radicatam procella subuertit.  
Inanes paleæ tempestate iactantur, turbinis  
incurfione arbores inualidæ subuertuntur.  
Despumat aqua commota fordes, & pu-  
rior demum post agitationem euadit. Sum-  
ma laus est à constantia non diuelli, & inter-  
medias victorum flammæ constitutum non  
aduri. Hæc te olim sollicitum pastorem laus  
apud Deum & homines manebat: tui mune-  
ris erat, quod à pastoribus Israel per Ezechie-  
lām

Iem Deus exquirit ; gregem tibi commissum constanter pascere ; quod infirmum experiebaris, consolidare ; quod ægrotum, sanare; quod confractum, alligare; quod abiectum æstimabas, educere ; quod perierat, quærere. *Iam verò dispersæ sunt oves Domini, eò quod non esset Pastor, & non erat, qui requireret.* Propterea pastoribus a grege fugientibus tremendum illud vix denuntiatur, *Ecce ego ipse super Pastores, inquit Deus, requirã gregem meum de manue eorum.* Ideoq; non sine ratione *beatum* edixit Ioan. Fischerus Episcopus Roffensis *illum* , *qui etiam de minutissimo grege in die Domini aptè poterit respondere.* Viden' igitur quam præposterè de libertate nouitiã glorieris, qui satanicis compedibus irretitus, innumeris terroribus mancipasti. Neq; enim maiorem animæ pestem censuit B. Augustinus, quam libertatem erroris. *Illa autem quæ sursum est Ierusalem, verè libera est, quæ est mater nostra:* nempe Ecclesia Christiana per Sarã veteris Testamenti adumbrata, & Synagogæ feruili, quã Agar figurauit, opposita, ea est quæ sursum regitur , suamque in rebus cœlestibus perfectionem & conuersationem collocat, spiritali pace nomine Ierusalem denotata abundat; & ex sterili gentilitate collecta, materque filiorum effecta, libertatem habet, quæ non modò vitiorum, cupiditatum & aduersitatis ingruentis seruitutem excludat, sed quæ etiam ex charitatis radice progenita, omnem timorem foras emittat, Deoq;

Ezech.  
cap. 34.

Epist. 66.

Galat. 4.



in spiritu & veritate seruiat: coelestem paulo post libertatem, quâ omnibus tum animi tum corporis ærumnis eximatur, adeptura. quæ quidem libertas non nisi in Ecclesiâ, & apud filios illius reperitur; de eaque tibi Ecclesiæ Pastori gaudendum erat, neque quidquam cum Apostasiâ infami cōmune habendum.

Ceterum à prælibatis fontibus longius digressus, ad eosdem te reuoco *Marce Antoni*. & quomodo olim à *tenebris Pelagianis* B. Augustinus, ita à nouitijs, & in cerebro tuo natis opinionibus, ad *Catholica lumina* prouoce: & quâ parçè oculos ad hos direxeris, quâ sobriè labia prolueris, luculenter demonstro. Non attingam autem illa quæ sparsim & velut in generali, sine teste, exemplo, adeoque fide non sanâ, de erroribus cum Sermorum Quadragesimaliumque libris insparfis, tum in disciplinæ Ecclesiasticæ regiminisque spiritualis normâ vſitatis, adduxisti. ea dumtaxat his fontibus purganda suscepi, quæ singulari spurcitie Ecclesiæ corpus inficiunt; cuius incolumitati tuendæ pro muneris etiam nostri debito omnem operam promptè impendo.

Tu igitur, si sanctorum Patrum confessioni æquis vestigijs inhærere mens fuit, eorum auctoritati in his, in quibus nunc hallucinaris, non es obsecutus: cur sopita toties figmenta protrudis, & ne furori tuo minus satisfactum videretur, ad blasphemiam verba componis? Clamas Romanam Ecclesiam



ecclesiam circa fidei dogmata magistram esse  
 incertam, mendacem, & dissectam; neq; am-  
 pliùs Christi vineam, nisi ad inebriandum  
 Noë plantatam, iamq; per Romanos Pon-  
 tifices velut cōstupratam. Quod si verū cen-  
 ses, dic fodes, quæ ergo te Ecclesia peperit?  
 quæ Episcopum constituit? quæ Sacerdotis  
 honore auxit? Castane, an meretrix te enixa  
 est? Si illa iam erat vera Ecclesia ante annos  
 viginti, quando Episcopatum desiderasti; &  
 pro hæretico habendus es, quòd eius gremio  
 te seiunxeris: si meretrix, spurius es, ex mere-  
 trice natus. Romanum Pontificem Eccle-  
 siæ Pastorem non agnoscis: cuius ergo au-  
 thoritate Spalatensem Cathedram occupa-  
 sti? dicis enim te Episcopum in Ecclesiâ  
 Christi. quænam illa? numquid eam intelli-  
 ges cuius membrum erat Spalatenfis tua, a-  
 deoq; non aliam quam Romanam? In hac sa-  
 cerdotij functionem, & Episcopalis mune-  
 ris dignitatem accepisti: hæc te fouit ab in-  
 fantiâ, salutaribus vndis ablutum confir-  
 mauit, manus imposuit, honore auxit. Potuif-  
 ses etiam reclusis serò fontibus, dummodò  
 opportunè accessisses, examussim perspicere,  
 Romanâ Ecclesiâ eam esse, quam *columnam* Ephes. 4.  
 & *firmamentum veritatis* insigni elogio  
 Apostolus depingit: omnesq; omnium æta-  
 tum sectas, quantumcunque dissectas, ad hâc  
 ceu Lydium lapidem allias: omnes Ecclesia-  
 rum omnium Pastores & Doctores, quibus-  
 cumque perturbatæ Religionis difficulta-  
 tibus enodandis, huius præsidium falli aut

## 40 EXAMEN PROFECTIONIS

fallere nescium, postulasse. Vis ut exemplis re illustrem? Polycarpus D. Ioannis discipulus, quaestionem de Paschate cum Aniceto Pontifice Romano ex Asia veniens communicabat. Huic aetate proximus Irenaeus, è Galliis à Romanam Ecclesiam Catholicam doctrinae successionem contra sui temporis Valerianos efflagitat. Ad hanc enim Ecclesiam, ait, propter potentioris principalitatem, necesse est omnem conuenire Ecclesiam, id est, eos qui sunt vndiq; fideles. quo quid melius, vel apertius dici potuit? In Africa Tertullianus, à Romanam, inquit, Ecclesiam praesto est nobis auctoritas statuta. Ab hac etiam auxilium non semel expolcit diuus Cyprianus scriptis ad Corneliū Pontificem litteris, & ad Romanam Ecclesiam perfidiam accessum habere non posse proficitur. Diuus etiam Ambrosius: In omnibus, ait, Romana Ecclesiae formam & typum sequimur laudatq; fratrem suum Satyrum, quod in externā regione noluerit Sacramētis communicare, priusquam Episcopum percōtaretur, an cum Episcopis Catholicis, id est, cum Romanam Ecclesiam conueniret. Ad hanc D. Hieronymus prouocat, datisque ad Damasum Papam litteris, dicit: Ego beatitudini tuae, id est, Cathedrae Petri communionem confocior, super illam petram aedificatam Ecclesiam scio, & post nonnulla: Qui tecum non colligit, dispergit: qui Christi non est, Antichristi est. & aduersus Rufinum: Si Romanam fidem suam dicit, ergo Catholici sumus. Negata autem hanc fidem M. Antonius de Dominis, dum illius petram & ca-

Lib. 3. c. 3.

Lib. De  
Erasmo.

Libro 1.  
Epist. 3.

Epist. ad  
Pammachium.

Ser. m. De  
obitu fratris.

Apol. 1.



& cathedram negat; ergo diui Hieronymi censurâ Catholicus non est. Consociari recusât Damasi successori Paulo V. Pontifici; ergo non Christi, sed Antichristi, B. Hieronymo est. & hoc adeò verum existimarunt veteres, vt Ricemer Gothus, qui & Arrianus, ad Ligures scribens ita colligat: *Si est Catholicus, est & Romanus*. Et hæc quidem pauca è primis priorum sæculorum fontibus pro infallibili Ecclesiæ magisterio collegisse suffecerit, vt quorum doctrinam hodie semperq; per ætates omnes, eadem Ecclesia amplectitur & veneratur.

Venio ad illius visibile caput Romanum Pontificem, quem collegam, comministrum, fratrem Episcoporum vocas. Annuo, si doctrinæ communionem adspicis; neque ququam inficietur Christiana hæc nomina: si verò muneris potestatem inspicis, manifesto errore inuolueris. quem vt tandem etiam eluas, fontes recludam: sequere. Primum autem delibandos tibi propono illos, qui Romano Episcopo ceu legitimo diui Petri Apostolorum Principis successori, primatum in Ecclesiâ deferunt, (*Christum* namque *omnium suarum curam tum Petro, tum Petri successoribus commisisse*, disertis verbis Chrysostomus demonstrat) quorum omnium velut antesignanum tibi iterum statuo, magnum illud Africæ lumen Cyprianum. hic dum vnitatem ab Apostolo commendatam expendit, dicit:

*Dens vnus est, & Christus vnus, & Ecclesia vna, & Cathedra vna, supra petram Domini voce*

Lib. 2. de  
Sacerdot.

Lib. 1.  
Epist. 2.

C s

funda.

Lib. 3.  
Epist. II.

42 EXAMEN PROFECTIONIS  
*fundata.* Dein' alio loco, & occasione, quorundam schismaticorum abiurationem eâ tempestate vsitatam recensens, hanc illius formulam insinuat: *Nec ignoramus vnum Deum esse, & vnum Christum Dominum, & vnum Spiritum sanctum, & vnum Episcopum in Ecclesiâ Catholicâ esse debere.* Hunc autem vnum paucis antè diebus professi erant, Cornelium Romanæ Cathedræ clauo assidentem, vocantes eum *Episcopum sanctissimæ Catholicæ Ecclesiæ.* Quæ omnia iterum longè vberius libro De vnitæte Ecclesiæ inculcat, vbi Cathedræ vnitatem probaturus, ostendit *Ecclesiæ corpus esse vnum in Episcopatu vno, cuius à singulis in solidum pars tenetur, & vnitatem seruari in origine, quia vnum est caput & origo vna.* Cypriano Augustinum, quo nihil doctius habuit Latina Ecclesiæ, iungimus, eadem luculenter asserentem. Dum namque aberrantem amicum ad Ecclesiæ gremium reuocat, *non esse dubitandum,* scribit alibi, *in illius Ecclesiæ nos condere gremio, quæ ab Apostolicâ Sede (vtique Romana) per successionem Episcoporum culmen auctoritatis obtinuit.* En quomodo in Romani Pontificis successionem culmen auctoritatis constituat, addēs: *Cui nolle primitias dare, vel summa profectò impietatis est, vel precipiti arrogantiæ.* Videat nunc Catholicus Lector, quo loco apud B. Cyprianum & Augustinum habitus fuisset nouus hic tympanotriba Spalatenfis, qui inani quadam logomachiâ Titanum temeritatē æmulatus, coelo manus inferre non veretur, ipsam-

ipsamq; Fidei Petram oppugnare, agglomeratis inanum verborū procellis contendit, *quam utiq; superba non vincunt inferorum porta*, ut ex Christi verbis desumpsit citatus Augustinus. Qui etiam aduersus Pelagianā labe infectum Iulianum differens, Innocentium Romanæ Ecclesię præsentem alijs Patribus annumerat: *Cum his*, inquit, *consideat Innocentius, etsi posterior tempore, prior loco*. Idem ipse quamuis Episcopus lōgè doctissimus, libros suos, quos contra Pelagianos cōscripserat, ad Bonifacium Papam mittit, & dicit: *Communū est omnibus nobis qui fungimur Episcopatus officio (quamuis ipse in eo præmineas celsiore fastigio) specula pastoralis*. Quid ad hæc Marce Antoni? Augustinus affirmat in officio, curā, & speculā pastoralī primatum tenere Romanum Pontificem: tu verò vsurpatam, fictam, fastuosam, nullam illius maiestatem adseris. Augustinus etiam Episcopus scriptorū & eruditionis famā celeberrimus præminentiam agnoscit celsioris fastigij: tu autem, cuius ne quidem nomen extra Dalmatiæ fines vulgatum antehac fuit, collegam te facis, & sodalem. Ignosco. necdum Fontibus labia prolueras, necdum ea cum B. Augustino tibi societas intercesserat, ut ex eo intelligeres, *Apostolatus principatum cuilibet Episcopatui præferendum; & quamuis distet Cathedrarum gratia, vnā tamen esse martyrij gloriam*.

Hic mecum obserua Romanæ Cathedræ gratiam præminentem. Sanè in causā fidei principatum iudicandi, docendi, defini-

*Lib. 1. contra Iulianum.*

*Lib. 1. contra Parmen. cap. 1.*

*Lib. 2. cap. 1. de Bapt. contra Donatist.*



*In Ps. 106.*

*Vide Augusti  
Epistolâ 92.*

*Basilii  
Epist. 52.*

endi tenere Romanum Pontificem, cum veteribus ipsis Catholici Imperatores ingenuè testati sunt; ad quos ut mecum progrediare, manum porrigo. Arnobius vetustissimus scriptor, *uniuersa flumina in deserto huius sæculi benedicti vsq<sup>3</sup> hodie à Petro scribit, & ipsum esse exitum aquarum in sitim, ita ut qui foras ab Ecclesiâ Petri exierit, siti pereat.* Haud aliter Concilij Mileuitani Patres Innocentium Pontificem compellarunt, ut Pelagianos iam Carthagenensis Concilij decreto damnatos, suâ etiam sententiâ condemnaret, hæc rationem subiicientes: *Arbitramur enim auctoritati Sanctitatis tuæ de sanctarum Scripturarum auctoritate deprompta, facilius eos qui tam peruersa & perniciose sentiunt, esse cessuros.* Quibus verbis & singularè ad cõprimendas hæreses auctoritatem in Romano Pontifice, eamque Concilijs potiore agnoscunt: atque illius robur è diuinarum Scripturarum exundante copiâ petiit, hoc est, iuris esse diuini affirmant. Addam magnum Magni illius Basilij testimonium. Ille tumultuantibus in Oriente hæreticis, quomodo hac etiâ ætate noua monstra sibi inuicem impingunt Cadmei isti fratres, monet per litteras Athanasium, ut ad Romanum Episcopum scribatur, qui suâ auctoritate in istâ causâ vsus, viros eligat idoneos, qui seditiosos reprimant. Causam verò in aliâ Epistolâ, per Sabinum Diaconum ad Põtificem reddita, expresse sit; *Quia, inquit, pietati tuæ datum à Domino est, quod adulterium est à legitimo & puro discernere,* ac si-

*ac fidem Patrum sine vllâ subtractione predicare.* Epiphanius quoque hic se sistit, dum seriem Romanorum Pontificum contra Carpocratianos producens, addit se ad hoc impulsus, *ed quod per hos semper, quod in fide manifestum & certum est, ostenditur ac declaratur.* Quid si Ambrosium, Augustinum, Hieronymum, & sexcentos alios in aciem produxero, sermo me citius quam testimonia deficerent. At non patiar inuictos Cæsares hac in re aquilas non attollere, non explicare signa, non prouocare vt secum posthac idem sentiant Serenissimi Magnæ Britannæ Reges, & confoederati Ordines Belgarum. Prodeat omnimodæ pietatis satellitio instructus Valentinianus Tertius, qui per Epistolam Theodosium Iuniorem instruit, *Romina ciuitatis Episcopo, principatum sacerdotij super omnes, Antiquitatem contulisse.* Comitetur Valentinianum Marcianus, hac voce Leonem Papam compellans: *Tuam sanctitatem, principatum in Episcopatu fidei obtinentem, inuitamus atq; rogamus ad celebrandam Synodum te auctore.* Subsequatur hos Iustinianus, magnus ille Legum arbiter, asserens, *neminem esse qui dubitet, summi Pontificatus apicem apud Romanum Pontificem esse.* Claudam hoc totum vnâ illâ & communi omnium Episcoporum voce in Chalcedonensi Concilio pronuntiata, *Primum omnem & honorem præcipuum Romano Episcopo deberi.*

Agnouerunt omnes hî in Ecclesiâ, quæ vnâ domus,

*Hæres. 27.*

*Tom. 2.  
Concil. in  
preamb.  
Concil.  
Chalced.*

*Constia.  
Nouell. 12.*

*Act. 16.*



domus, ciuitas, nauis, ac vnum corpus in Litteris diuinis nuncupatur; regimen Monarchicum: quod frustra in Aristocraticum (vt hac ratione non per ostium, sed aliunde te ingeras) commutare laboras: quasi etiam tuæ sollicitudini demandata foret vniuersalis Ecclesia. Cur non eandem Alexandrinò Episcopo demandatam, B. Hieronymus censuit? de quo tamen in Epist. ad Pammachium: *Responde*, inquit, *mibi, ad Alexandrinum Episcopum Palestina quid pertinet?* Similiter D. Chrysostomus apud Innocentium I. per litteras queritur de Theophilo vrbis eiusdem Patriarchâ, quod cum esset in Aegypto; iudicium ferre præsumeret de illis qui morabantur in Thracia. Quid fuit, cur minus semper auctoritatis Ariminensi Concilio; cui DC. Episcopi interfuerunt; omnes Catholici detulerint; quàm Constantinopolitano priori è centum dumtaxat & quinquaginta Episcopis coacto; nisi quod hoc præ illo Romani Pontificis, in quo summa Ecclesiæ potestas residet, auctoritate indictum; celebratum; firmatumque fuerit? Vtenim inferiores Episcopi definitas habent regiones; ita & potestatem: quia verò Pontifex Romanus toti Ecclesiæ præest, totâ etiam, vt sic dicam, potestate præfulget, *semperque*, verba sunt S. Augustini, *in Romanâ Eccle-*



*Ecclesiâ viguit Apostolica Cathedra principatus.*

Viden' quod nullæ hæc errorum incudes ; nullus nouorum fidei dogmatum contra diuinam institutionem ; & Orthodoxam doctrinam Conciliorum & Patrum ; priscamque ac receptam Ecclesiæ consuetudinem partus ; quem tamen Rom. Pontifici ita subdolè supponis. Cuius calumniæ causam mihi attigisse videtur Comicus ; dum ait : *Qui semel verecundiæ fines transgressus fuerit , eum oportet gnauiter esse impudentem.* Indubitatum fuit apud omnes ; soli Petro ; non alijs siue Apostolis ; siue Principibus , Tiberio , Pilato , Herodi , à Pastorum Principe dictum : *Pasce oues meas. & : Tu es Petrus , & super hanc petram edificabo Ecclesiam meam.* iterum : *Tu aliquando conuersus , confirma fratres tuos.* denique : *Tibi dabo claues regni cælorum.* quâ Domini voce Apostolorum Principi curam Ecclesiæ commissam , vniuersa Antiquitas colligit. Episcopos , non Principes sæculares posuit Spiritus sanctus regere Ecclesiam Dei : neque inter eos quos fidelibus suis præesse CHRISTVS voluit , Regum memoria celebratur , sed Prophetarum ; Apostolorum , Pastorum , Doctorum. Hos velut operarios in vineam à Domino missos , & diuinorum mysteriorum dispensatores

*Ioan. 21.*

*Matth. 16.*

*Luc. 22.*

*Matth. 16.*

*Ephes. 4.*

tores omnibus sæculis reputarunt Christiani Imperatores, Reges, Principes, neque se à iugo Apostolicæ iurisdictionis exemerunt. Hinc olim Constantio Imperatori aduersus S. Athanasium debacchanti, Cordubensis Episcopus Hosius per Epistolam significabat: *Ne te misceas Imperator rebus Ecclesiasticis, neq; nobis in hoc genere præcipe, sed potius ea à nobis disce. Tibi Deus Imperium commisit, nobis quæ sunt Ecclesiæ concredidit.* Pari modo, causâ non dissimili, eidem respondit Leontius Tripolitanus Episcopus; vt videre est apud Suidam; eumq; quòd de rebus fidei Dei cognitionem sibi arrogaret, Antichristum pronuntiauit nominatus Athanasius. Sed & B. Ambrosius Valentinianum Iuniorem his verbis præsens compellabat: *Noli te grauare Imperator, vt putes te in ea, quæ diuina sunt, Imperiale aliquod ius habere: Noli te extollere, &c. Ad Imperatorum palatia pertinent, ad sacerdotem Ecclesiæ.* & apertius in eadem Epistolâ: *Quando audisti, clementissime Imperator, in causâ fidei laicos de Episcopo iudicasse?* & Epist. 32. Valentiniani Senioris lege definitum affirmat, *in causâ fidei, vel Ecclesiastici ordinis, eum iudicare debere, qui nec munere impar sit, nec iure dissimilis.* Quin si vlli in orbe Christiano, certè Anglorum Reges olim Pontificem Romanum non modò regiminis Ecclesiastici Primatem, vniuersalis Ecclesiæ Patrem, Sacerdotum Principem; Petri successorem, Orbis Episcopum professi semper & protestati: sed insuper regnū suum eidem

vecti-

*In Epist. ad  
solit. vit.  
agent.  
Ep. 33. ad  
Sororem.*

vestigale fecerunt, vt fuse persequitur Polydorus Virgilius, qui & ipse sacri illius vestigalis domesticatim collecti quæsturam annis aliquot gessit, eiusque muneris obeundi causâ primum in Angliam venit. Si pietatis huius & auitæ Religionis, quam luxuriæ spiritus in plerisque regionibus ita labefactauit, vt ne vestigium vllum reliquerit, restituendæ gratiâ e Dalmatiâ euolarit, sauasque Alpes percurrerit Archiepiscopus Spalatenfis, vtq; Christianos Principes potestatis suæ sceptrum, non ad Ecclesiæ principatum, sed protectionem dumtaxat extendere, antecessorum suorû exemplis, Patrumque fontibus vbertim sonantibus doceat, dignam profectò rem præstiterit, omnemque inconstantia maculam hac spongiâ facile absterferit.

Habes Principatus Ecclesiastici indubitatos testes: neq; desunt qui in eodè temporalis etiam potestatis maiestatem, non commentitiam, vel ysurpatam; sed veram, ac tremendam; profligatâ blasphemiae tuæ peste, fortiter propugnent. Potuisssem hic numerosas Illustrium virorû, quos sæcula priora pepererunt, acies instruere: sed quoniam sub eruditionis suæ vexillis eos in huius argumenti fecundissimum campum eduxit nuper Cardinalis Bellarminus, exiguum dumtaxat manipulum e multis euocabo. Ferant hîc primas sanctissima decem Conciliorum decreta, & inter illa Generalis Lateranensis (quod iure Maximum nuncupa-

*De potestate Pontif. in temporal.*

D

tur)

50 EXAMEN PROFECTIONIS

tur) sub Innocentio III. Patriarcharum quatuor, Archiepiscoporum septuaginta, CCCC. XII. Episcoporum, Abbatum Priorumq; conuentualium DCCC. Legatorum Imperij Occidentis & Orientis, pluriumque Christianorum Regum conuentu celeberrimi, Canon ordine tertius. Hic post nonnulla aduersus hæreticos sancita, Summo Pontifici in Dominos temporales potestas decernitur, *si quando admoniti ab Ecclesiâ, terram suam ab hereticâ fœditate purgare neglexerint, cui etiâ eadem tempestate commissum, post analem contumaciam, vassallos ab eorum fidelitate absolutos denuntiare, terramq; ipsorum Catholicis occupandam exponere, qui eam exterminatis hæreticis, sine vllâ contradictione possideant, &c.* Si hanc non agnoscit Ecclesiæ vocem M. Antonius de Dominis, vbi obsecro eam reperiet? & si verissimè talis est, cur eam non audit? cur potestatem de temporalibus disponendi, in Sacerdotû Principe per summam temeritatem enervare contendit? Ad dam superiori Generali insuper Lugdunense etiam Generale Concilium, anno post incarnatum Verbum M. CC. XLV. qui trigessimus erat à priore Lateranensi, Innocentio IV. præsidente, Bulduino quoq; Orientis Imperatore, aliisq; Principibus confidentibus, indictum. vbi ab vniuersâ Ecclesiâ, quam sine dubio conuentus ille augustissimus representabat, in Fredericum II. Imperatorem lata est depositionis sententia: cuius tenorem, quod a quo videretur prolixior, studio præter-

M. ANTONII DE DOMINIS. *ſi*  
*præteriuimus.* B. Auguſtinus Concilium  
 Palæſtinum quatuordecim tantummodo E-  
 piſcoporum, vnius Iuliani audaciæ compri-  
 mendæ plus quàm ſufficiens exiſtimauit;  
 & non valebit tantorum Episcoporum,  
 Principum, Doctorum, aduerſus vnius ho-  
 minis, qui velut nouus Iſmael è regione fra-  
 trum ſuorum figit tabernaculum, temerita-  
 tem, ſententia? Nondum tamen hic ſiſto. Oc-  
 currit ecce Leo Iſauricus, quondam Impera-  
 tor, tandè fidelium cõmunione, veſtigalibus  
 Italiæ, & per hoc Imperij non contemnendâ  
 portione, auctõritate Apoſtolicâ quam Gre-  
 gorius II. exercuit, mulctatus; cuius rei præ-  
 cones è Græcis Glycas, Theophanes, Ce-  
 drenus, inter Latinos Sigebertus circa annũ  
 DCCXXVII. Paulus Diaconus, & alij; fa-  
 ctumq; Pontificis Episcoporum Synodus pro-  
 bavit. Quid? quodd in Romanâ Synõdo, Gre-  
 gorio VII. Pontificatum obtinente, Henri-  
 cus IV. Imp. quem Tertium alij dicunt, & in  
 Claramontano Concilio ſub Urbano II. Phi-  
 lippus I. Galliarum, & à Paulo II. Georgius  
 Bohemiæ Rex anathemate percuffus, & Re-  
 gno imperioque exutus, teſtes habemus Si-  
 gebertum a & Iuonem b Episcopum Carno-  
 tenſem. Quin diuus etiam Bernardus vtrum-  
 que gladium Eccleſiæ impartit, ſpiritualem  
 & materiale: atq; hunc non modò pro Ec-  
 cleſiâ, ſed ad nutum in ſuper Sacerdotis (vtiq;  
 Principis & Summi) exerendum, mirâ ver-  
 borum ſuauitate inculcat. Quid referam do-  
 tiſſimum illum Saxonem Hugonem Victo-

*Lib. i. in  
 Iulianum  
 cap. 2.*

*Gen. 16.*

*a Circa an-  
 num 1095.  
 b Epiſt. 28.  
 Lib. 4. De  
 conſide-  
 rat. c. 4.*

*P. 2. lib. 2.  
De Sacram.  
cap. 41.*

*2. 2. q. 60.  
art. 6. ad 3.*

*In 2. Sent.  
dist. 44.*

*L. Si Im-  
per. c. De  
legib. 5. 4.  
Baldus in  
præmio  
ff. vet.*

*Deut. 17.  
Luca 10.*

rinum? *Spiritualis*, inquit ille, *potestas terrenâ*, & *instituiere habet. ut sit, & iudicare habet si bona non fuerit*. Consentit his, ut alios transeam, Doctor Angelicus, Alexandri Halensis magistri sui vestigia æquis passibus insecutus. ita enim scribit: *Potestas secularis subditur spirituali, sicut corpus animæ; & ided non est usurpatum iudicium, si spiritualis Prælatus se intromittat de temporalibus*. Negat D. Thomas temporalem Ecclesiastici Prælati potestatem esse usurpatam; & eandem in summo Prælato talem, obgannit M. Antonius: in quo tamen idem Doctor, occasione haud absimili, vtriusque potestatis, spiritualis & temporalis, apicem sine tergiuersatione vllâ constituit. Parem in eodem prærogatiuam clarissimi iuris interpretes Bartolus & Baldus agnoscunt, dum in solo Pontifice residere ius inuiolabile commutandi Imperia, eorumque Dominos possessionibus, dignitate, ac Principatu etiam ipso, causâ subsistente, priuandi, luculenter definiunt. In hac Conciliorum & Scriptorum luce non est quod latebras vllas ob nuperum interdictum querat Marce Antoni, concusserit te fortassis paternâ illâ castigatione dignum, fulminis Vaticanæ fragor; cur Sede, regione, grege, nescio an non etiam Religione excuslit? nisi quod *superbieris, nolens obedire summi Sacerdotis imperio*. quod Mosaicæ legis à Deo præscriptæ, ac Christi voce firmatæ instituta merito habent, æternumque habebunt.

—cen



—*ceugrandenefas, & morte piandum.*

Atque hæc pauca breuitatis instituta studio à me apposita, elicit profectionis seu defectionis potiùs tuæ malè sanum Consiliũ, Antistes Reuerende: quæ vbi digesseris, inferam solidiora: neq; enim poterat stomachus tuus sub hæc initia errorum nauseabundus supra vires onerari. Satis superq; Catholico inspectori factum reor, vt Consilij tui nocte depulsâ, veritas elucescat; & quæ in controuersiam abs te vocantur, Patrum auctoritate commendata firmiter apud eum retineantur. Deus autem, quem communibus votis obsecramus, *qui dixit de tenebris lumen splendescere, ipse illuceat in corde tuo ad illuminationem scientiæ claritatis Dei, vt abdicatis occultis dedecoris, non ambules in astutiâ, neq; adulteres verbum illius, sed in manifestatione veritatis, commendes te metipsum ad omnem conscientiam hominum coram Deo.* hoc est enim quod singulari adfectu Corinthijs suis Paulus Apostolus exoptat: idem etiam tibi eueniat, omnes vouemus. Abominabiles Deo sunt *induti veste peregrinâ*, hanc exue, vt Christum iterum induas. fuge desertorum Catholicæ Religionis lupanar, noui Euangelij steriles virtutibus fructus fucosque veneranda tua canities refugiat: non te auertat ab vberibus matris Ecclesiæ, spectata præcedenti tergo mantica; tuam inspicere. *Quis enim det te fratrem meum sugentem vbera matris meæ, vt inueniaris foris? Noli respicere post tergum tuum, nec stes in omni circum regione,*

2. Cor. 4.

Sophon. 1.

Cant. 8.

Gen. 19.

# DE FLAMEN PROSELECTIONIS

*Saluum te fac.*  
 De monte pingui & coagulato *saluum te fac.*  
 Conige ad Ecclesiam omnis gremio mori fe-  
 licitatem magnus Poloniæ Cancellarius Sa-  
 rothianus, quam ante ad inuicem. Captiua intel-  
 lectum colligam Christi, & consilij tui,  
 quod in ipso tempore permaneat, car tecum  
 facit, namque venit dies illius magna,  
 de huiusmodi maxima delictis habentem inue-  
 nit. Cuius, quod nazarum illum senem  
 Eliazarum fuisse Michæorum memorant.  
 Amicus, dicitur & seruitus tua eminentiam  
 dignam, & puri optima conuersationis a-  
 dmirandis exemplo blandienti tua Agar,  
 fuisse, fuisse & Deo condita legis consti-  
 tutio fuisse. Nunc dignam etati mea, neq-  
 dignam fuisse, & mali adolescentiores, car-  
 nalis, sacre legis dissolutione resoluti,  
 ceteros Mironem Antonium de Dominis  
 sergiam monachum scientia Rhetorem, Ma-  
 thematicum, Philosophum, Theologum, di-  
 gnum & catholicum, transisse ad vitam  
 alienigenam, & ipsi propter meam incon-  
 stantiam, & molam corruptibilis vite tem-  
 pe teneant, & per hoc maculam, & exe-  
 crationem mea seruituti conquiram. Teneant  
 et hominem recte credentem in Ecclesia Ca-  
 tholica, hoc de tanta Christiani nominis cha-  
 rissima vituli, quæ & Augustinum tenuer-  
 unt, quæ ille ipse enumerans, ita aduer-  
 sus Epistolam Fundamenti scribit: Multa  
 sunt quæ in Ecclesie gremio me iustissime te-  
 neant: tenet professus popalorum atq; gentium:  
 tenet

tēnet auctoritas miraculis inchoata, spe nutri-  
ta, charitate aucta, vetustate firmata: tenet ab  
ipsā Sede Petri Apostoli, cui pascendas oues suas  
post resurrectionem Dominus commendauit,  
vsq; ad presentem Episcopatum, successio Sa-  
cerdotum: tenet postremo ipsum Catholica nō-  
men, quod non sine causā inter tam multas hæ-  
reses sic ista Ecclesia sola obtinuit, ut iam om-  
nes hæretici se Catholicos dici velint. Ne ergo  
te excutiant, quæ sapētissimū illum Epis-  
copum tenuerunt. Gloriare potius in Domi-  
no, non solum cum doctissimo Hieronymo,  
quod ab ipsis incunabulis Catholico sis lacte e-  
nutritus; verum etiam cum celeberrimo Ba-  
silio, quod licet reliqua vita tua digna sit, cu-  
ius gratiā ingemiscas, numquam tamen falsas  
opiniones de Deo (eiusque Ecclesia) habueris,  
neq; aliter sentiendo animi iudiciū in fide  
mutaueris. Igitur, quod extremum tuæ menti  
Infixum optauerim, cum charitatem tuam  
primam reliqueris, Apostolici consilij, & si-  
mul vnde excideris meior, dum adhuc vitæ  
spes dubia affulget, age pœnitentiam, &  
priora opera fac. Sin autem: venio, inquit  
Dominus, tibi, & mouebo candela-  
brum tuum de loco suo.

Epist. ad  
Pammach.

Epist. 79.

Apoc. 2.

F I N I S.



domus, ciuitas, nauis, ac vnum corpus in Litteris diuinis nuncupatur; regimen Monarchicum: quod frustra in Aristocraticum (vt hac ratione non per ostium, sed aliunde te ingeras) commutare laboras: quasi etiam tuæ sollicitudinî de-mandata foret vniuersalis Ecclesia. Cur non eandem Alexandrinò Episcopo de-mandatam, B. Hieronymus censuit? de quo tamen in Epist. ad Pammachium: *Responde*, inquit, *mihî, ad Alexandrinum Episcopum Palaestina quid pertinet?* Similiter D. Chrysostomus apud Innocentium I. per litteras queritur de Theophilo vrbs eiusdem Patriarchâ, quod cum esset in AËgypto; iudicium ferre præsumeret de illis qui morabantur in Thraciâ. Quid fuit, cur minus semper auctoritatis Ariminensi Concilio; cui DC. Episcopi interfuerunt, omnes Catholici detulerint; quàm Constantinopolitano priori è centum dumtaxat & quinquaginta Episcopis coacto; nisi quod hoc præ illo Romani Pontificis, in quo summa Ecclesiæ potestas residet, auctoritate indictum, celebratum, firmatumque fuerit? Vtenim inferiores Episcopi definitas habent regiones; ita & potestatem: quia verò Pontifex Romanus toti Ecclesiæ præest, totâ etiam, vt sic dicam, potestate præfulget, *semperq.* verba sunt S. Augustini, *in Romanâ Eccle-*

*Ecclesiâ viguit Apostolica Cathedra principatus.*

Viden' quòd nullæ hîc errorum incudes, nullus nouorum fidei dogmatum contra diuinam institutionem, & Orthodoxam doctrinam Conciliorum & Patrum, priscamque ac receptam Ecclesiæ consuetudinem partus, quem tamen Rom. Pontifici ita subdolè supponis. Cuius calumniæ causam mihi attigisse videtur Comicus, dùm ait: *Qui semel verecundia fines transgressus fuerit, eum oportet gnauiter esse impudentem.* Indubitatum fuit apud omnes, soli Petro, non alijs siue Apostolis, siue Principibus, Tiberio, Pilato, Herodi, à Pastorum Principe dictum: *Pasce oues meas.* &: *Tu es Petrus, & super hanc petram edificabo Ecclesiam meam.* iterum: *Tu aliquando conuersus, confirma fratres tuos.* denique: *Tibi dabo clauēs regni cælorum.* quâ Domini voce Apostolorum Principi curam Ecclesiæ commissam, vniuersa Antiquitas colligit. Episcopos, non Principes sæculares posuit Spiritus sanctus regere Ecclesiam Dei: neque inter eos quos fidelibus suis præesse CHRISTVS voluit, Regum memoria celebratur, sed Prophetarum, Apostolorum, Pastorum, Doctorum. Hos velut operarios in vineam à Domino missos, & diuinorum mysteriorum dispensatores

IOAN. 21.  
Matth. 16.

LUC. 22.  
Matth. 16.

Ephes. 4.

tores omnibus sæculis reputarunt Christiani Imperatores, Reges, Principes, neque se à iugo Apostolicæ iurisdictionis exemerunt. Hinc olim Constantio Imperatori aduersus S. Athanasium debacchanti, Cordubensis Episcopus Hosius per Epistolam significabat: *Ne temisceas Imperator rebus Ecclesiasticis, neq; nobis in hoc genere præcipe, sed potius ea à nobis disce. Tibi Deus Imperium commisit, nobis quæ sunt Ecclesiæ concredidit.* Pari modo, causâ non dissimili, eidem respondit Leontius Tripolitanus Episcopus, vt videre est apud Suidam; eumq; quòd de rebus fidei Dei cognitionem sibi arrogaret, Antichristum pronuntiauit nominatus Athanasius. Sed & B. Ambrosius Valentinianum Iuniorem his verbis præsens compellabat: *Noli te grauare Imperator, vt putes te in ea, quæ diuina sunt; Imperiale aliquod ius habere: Noli te extollere, &c. Ad Imperatorum palatia pertinent, ad sacerdotem Ecclesiæ.* & apertius in eadem Epistolâ: *Quando audisti, clementissime Imperator, in causâ fidei laicos de Episcopo iudicasse?* & Epist. 32. Valentiniani Senioris lege definitum affirmat, *in causâ fidei, vel Ecclesiastici ordinis, eum iudicare debere, qui nec munere impar sit, nec iure dissimilis.* Quin si vlli in orbe Christiano, certè Anglorum Reges olim Pontificem Romanum non modò regiminis Ecclesiastici Primatem, vniuersalis Ecclesiæ Patrem, Sacerdotum Principem, Petri successorem, Orbis Episcopum professi semper & protestati: sed insuper regnū suum eidem

vecti-

*In Epist. ad  
solit. vit.  
agent.*

*Ep. 33. ad  
Sororem.*



vestigale fecerunt, ut fusè persequitur Polydorus Virgilius, qui & ipse sacri illius vectigalis domesticatim collecti quæsturam annis aliquot gessit, eiusque muneris obeundi causâ primum in Angliam venit. Si pietatis huius & auitæ Religionis, quam luxurix spiritus in plerisque regionibus ita labefactavit, ut ne vestigium vllum reliquerit, restituendæ gratiâ e Dalmatiâ euolarit, sauasque Alpes percurrerit Archiepiscopus Spalatensis, utq; Christianos Principes potestatis suæ sceptrum, non ad Ecclesiæ principatum, sed protectionem dumtaxat extendere, antecessorum suorum exemplis, Patrumque fontibus vbertim sonantibus doceat, dignam profectò rem præstiterit, omnemque inconstantix maculam hac sponsia facile absterferit.

Habes Principatus Ecclesiastici indubitatos testes: neq; desunt qui in eodè temporali etiam potestatis maiestatem, non commentitiam, vel ysurpatam; sed veram, ac tremendam, profligatâ blasphemix tuæ peste, fortiter propugnent. Potuissim hic numerosas Illustrium virorum, quos sæcula priora pepererunt, acies instruere: sed quoniam sub eruditionis suæ vexillis eos in huius argumenti fecundissimum campum eduxit nuper Cardinalis Bellarminus, exiguum dumtaxat manipulum è multis euocabo. Ferant hic primas sanctissima decem Conciliorum decreta, & inter illa Generalis Lateranensis (quod iure Maximum nuncupa-

*De potestate Pontif.  
in temporal.*

tur) sub Innocentio III. Patriarcharum quatuor, Archiepiscoporum septuaginta, CCCC. XII. Episcoporum, Abbatum Priorumq; conuentualium DCCC. Legatorum Imperij Occidentis & Orientis, pluriumque Christianorum Regum conuentu celeberrimi, Canon ordine tertius. Hic post nonnulla aduersus hæreticos sancita, Summo Pontifici in Dominos temporales potestas decernitur, *si quando admoniti ab Ecclesiâ, terram suam ab hereticâ fœditate purgare neglexerint*, cui etiâ eadem tempestate commissum, post animalem contumaciam, *vasallos ab eorum fidelitate absolutos denuntiare, terramq; ipsorum Catholicis occupandam exponere, qui eam exterminatis hereticis, sine ullâ contradictione possideant*, &c. Si hanc non agnoscit Ecclesiæ vocem M. Antonius de Dominis, vbi obsecro eam reperiet? & si verissimè talis est, cur eam non audit? cur potestatem de temporalibus disponendi, in Sacerdotû Principe per summam temeritatem enervare contendit? Ad dam superiori Generali insuper Lugdunense etiam Generale Concilium, anno post incarnatum Verbum M. CCC. XLV. qui trigessimus erat à priore Lateranensi, Innocentio IV. præsidente, Balduino quoq; Orientis Imperatore, aliisq; Principibus confidentibus, indictum. vbi ab vniuersâ Ecclesiâ, quam sine dubio conuentus ille augustissimus representabat, in Fredericum II. Imperatorem lata est depositionis sententia: cuius renorem; quod a quo videretur prolixior, studio præter-

M. ANTONII DE DOMINIS. *si*  
 præteriuimus. B. Augustinus Concilium *Lib. 1. in*  
 Palæstinum quatuordecim tantummodo E- *Julianum*  
 piscoporum, vnius Iuliani audaciæ compri- *cap. 2.*  
 mendæ plus quàm sufficiens existimauit;  
 & non valebit tantorum Episcoporum,  
 Principum, Doctorum, aduersus vnius ho-  
 minis, qui velut nouus Ismael è regione fra-  
 trum suorum figit tabernaculum, temerita- *Gen. 16.*  
 tem, sententia? Nondum tamen hic sisto. Oc-  
 currit ecce Leo Isauricus, quondam Impera-  
 tor, tandè fidelium cõmunione, vestigalibus  
 Italia, & per hoc Imperij non contemnendâ  
 portione, auctoritate Apostolicâ quam Gre-  
 gorius II. exercuit, mulctatus; cuius rei præ-  
 cones è Græcis Glycas, Theophanes, Ce-  
 drenus, inter Latinos Sigebertus circa annũ  
 DCCXXVII. Paulus Diaconus, & alij; fa-  
 ctumq; Pontificis Episcoporũ Synodus pro-  
 bavit. Quid? quòd in Romanâ Synodo, Gre-  
 gorio VII. Pontificatum obtinente, Henri-  
 cus IV. Imp. quem Tertium alii dicunt, & in  
 Claramontano Concilio sub Urbano II. Phi-  
 lippus I. Galliarum, & à Paulo II. Georgius  
 Bohemiæ Rex anathemate percussus, & Re-  
 gno imperioque exutus, testes habemus Si-  
 gebertum <sup>a</sup> & Iuonem <sup>b</sup> Episcopum Carno-  
 tensẽ. Quin diuus etiam Bernardus vtrum-  
 que gladium Ecclesiæ impartit, spiritualem  
 & materiale: atq; hunc non modò pro Ec-  
 clesiâ, sed ad nutum insuper Sacerdotis (vtiq;  
 Principis & Summi) exerendum, mirâ ver-  
 borum suauitate inculcat. Quid referam do-  
 ctissimum illum Saxonem Hugonem Victo-  
 rinum

*a Circa an-  
 num 1095.*

*b Epist. 28.*

*Lib. 4. De  
 conside-  
 rat. c. 4.*



*P. 2. lib. 2.  
De Sacram.  
cap. 41.*

*2. 2. q. 60.  
art. 6. ad 3.*

*In 2. Sent.  
dist. 44.*

*L. Si Im-  
per. c. De  
legib. 5. 4.  
Baldus in  
proœmio  
ff. vet.*

*Deut. 17.  
Luca 10.*

rinum? *Spiritualis*, inquit ille, *potestas terrenā*, & *instituire habet. ut sit, & iudicare habet si bona non fuerit*. Consentit his, ut alios transeam, Doctor Angelicus, Alexandri Halensis magistri sui vestigia æquis passibus insecutus. ita enim scribit: *Potestas secularis subditur spirituali, sicut corpus animæ; & ideo non est usurpatum iudicium, si spiritualis Prælatus se intromittat de temporalibus*. Negat D. Thomas temporalem Ecclesiastici Prælati potestatem esse usurpatam; & eandem in summo Prælato talem, obgannit M. *Antonius*: in quo tamen idem Doctor, occasione haud absimili, utriusque potestatis, spiritualis & temporalis, apicem sine tergiuersione vllâ constituit. Parem in eodem prærogatiuam clarissimi iuris interpretes Bartolus & Baldus agnoscunt, dum in solo Pontifice residere ius inuiolabile commutandi Imperia, eorumque Dominos possessionibus, dignitate, ac Principatu etiam ipso, causâ subsistente, priuandi, luculenter definiunt. In hac Conciliorum & Scriptorum luce non est quod latebras vllas ob nuperum interdictum querat *Marce Antoni*, concusserit te fortassis paternâ illâ castigatione dignum, fulminis Vaticanæ fragor; cur Sede, regione, grege, nescio an non etiam Religione excuslit? nisi quod *superbieris, nolens obedire summi Sacerdotis imperio*. quod Mosaicæ legis à Deo præscriptæ, ac Christi voce firmatæ instituta merito habent, æternumque habebunt.

—cen

—*ceugrande nefas, & morte piandum.*

Atque hæc pauca breuitatis instituta studio à me apposita, elicit profectionis seu defectionis potiùs tuæ malè sanum Consiliū, Antistes Reuerende: quæ ubi digesseris, inferam solidiora: neq; enim poterat stomachus tuus sub hæc initia errorum nauseabundus supra vires onerari. Satis superq; Catholico inspectori factum reor, vt Consilij tui nocte depulsâ, veritas elucescat; & quæ in controuersiam abs te vocantur, Patrum auctoritate commendata firmiter apud eum retineantur. Deus autem, quem communibus votis obsecramus, *qui dixit de tenebris lumen splendescere, ipse illuceat in corde tuo ad illuminationem scientiæ claritatis Dei, vt abdicatis occultis dedecoris, non ambules in astutiâ; neq; adulteres verbum illius, sed in manifestatione veritatis, commendes temetipsum ad omnem conscientiam hominum coram Deo.* hoc est enim quod singulari adfectu Corinthijs suis Paulus Apostolus exoptat: idem etiam tibi eueniat, omnes vouemus. Abominabiles Deo sunt *induti veste peregrinâ*, hanc exue, vt Christum iterum induas. fuge desertorum Catholicæ Religionis lupanar, noui Euangelij steriles virtutibus fructus fucosque veneranda tua canities refugiat: non te auertat ab vberibus matris Ecclesiæ, spectata præcedenti tergo mantica; tuam inspicere. *Quis enim det te fratrem meum sugentem vbera matris meæ, vt inueniaris foris? Noli respicere post tergum tuum, nec stes in omni circum regione,*

2. Cor. 4.

Sophon. 1.

Cant. 8.

Gen. 19.

*sed in monte* (monte inquam illo Sion, monte Dei, mōte pingui & coagulato) *saluum te fac.* Cōfuge ad Ecclesiā, in cuius gremio mori felicius dixit magnus Polonię Cancellarius Samoscius, quā nasci ab initio. Captiua intellectum in obsequium Christi, & *consilij tui*, quod in ipso omni tempore permaneat, cor tecū *statue*, priusquam veniat dies illius magna, & suprema trutina minus habentem inueniat. Cogita, quod præclarum illum senem Eleazarum fecisse Machabeorum memorant.

*Annales, atatis ac senectutis tue eminentiam dignam, atq; à puero optima conuersationis actus:* illiusq; exemplo blandienti tuæ Agar, secundum sancta & à Deo condita legis constituta responde: *Non est dignum atati meæ, neq; dignitati, fugere, vt multi adolescentiores, carnis ærisq; sacrilegā diffibulatione resoluti, arbitantes* Marcum Antonium de Dominis sexaginta annorum scientiā Rhetorem, Mathematicum, Philosophum, Theologum, dignitate Archiepiscopum, *transisse ad vitam alienigenarum, & ipsi propter meam inconstantiam, & modicum corruptibilis vitæ tempus decipiantur, & per hoc maculam, & execrationem meā senectuti conquiram.* Teneant te hominem rectē credentem in Ecclesiā Catholicā, tor & tanta Christiani nominis charissima vincula, quæ B. Augustinum tenuerunt, quæq; ille ipse enumerans, ita aduersus Epistolam Fundamenti scribit: *Multa sunt quæ in Ecclesia gremio me iustissimè teneant: tenet consensus populorū atq; gentium:*

*tenet*

*Eccli. 37.  
Tob. 4.*

*2. Mac. 5.*



tenet auctoritas miraculis inchoata, spe nutrita, charitate aucta, vetustate firmata: tenet ab ipsâ Sede Petri Apostoli, cui pascendas oves suas post resurrectionem Dominus commendauit, vsq; ad presentem Episcopatum, successio Sacerdotum: tenet postremo ipsum Catholica nomen, quod non sine causâ inter tam multas hereses sic ista Ecclesia sola obtinuit, ut iam omnes heretici se Catholicos dici velint. Ne ergo te extutiant, quæ sanctissimum illum Episcopum tenuerunt. Gloriare potius in Domino, non solum cum doctissimo Hieronymo, quod ab ipsis incunabulis Catholico sis lacte nutritus; verum etiam cum celeberrimo Basilio, quod licet reliqua vita tua digna sit, cuius gratiâ ingemiscas, numquam tamen falsas opiniones de Deo (eiusque Ecclesiâ) habueris, neq; aliter sentiendo animi iudicium in fide mutaueris. Igitur, quod extremum tuæ menti infixum optauerim, cum charitatem tuam primam reliqueris, Apostolici consilij, & simul vnde excideris minor, dum adhuc vitæ

*Epist. ad Pammach.*

*Epist. 79.*

spes dubia affulget, age pœnitentiam, & *Apost. 2.*

priora opera fac. Sin autem: venio, inquit

Dominus, tibi, & mouebo candelabrum tuum de loco suo.

F I N I S.



## APPROBATIO.

**E**XAMEN hoc Profectionis  
Marci Antonij de Dominis,  
in quo eam esse meram Defectio-  
nem & Discessionem, solidè diser-  
teque ostenditur, dignum est quod  
typis euulgetur. Actum Antuer-  
piæ XVII. Ianuarij, Anno M.  
DC. XVII.

*P. Coëns S. T. L. Canonicus & li-  
brerum Censor Antuerpiensis.*

















BIBLIOTECA